

淵鑑類函

卷卒之卷卒三

淵鑑類函卷六十一

設官部一

職官總載
設官沿革

職官總載一

原杜氏通典曰伏羲氏

太昊

以龍紀故為龍師名官

師長也龍

化其官長故為龍師春官為青龍夏官為赤龍秋官為白龍冬官為黑龍中官為黃龍張晏曰庖犧氏將興神龍負圖而至因以名師與官也共工氏以水紀故為水師水名共丁

諸侯霸有九州者以

神農氏以火紀故為火師火名

受水瑞故水名官火德也故為炎帝春官為大火夏官為鶉火星秋官為西

火冬官為北火中官為中火也神農有火星之瑞因以名師與黃帝雲師雲名黃帝受命有雲瑞故以雲紀

秋官為白雲冬官為黑雲中官為黃雲也黃帝有景雲之應因以名師與官也少昊摯之立

設官部

自五頁約卷六十一

職官總載

也鳳鳥適至故鳥紀為鳥師而鳥名鳳鳥氏歷正也鳥

知天時故以元鳥氏司分也元鳥燕也以春伯趙氏司

至也伯趙伯勞也以夏青鳥氏司啓也青鳥鶉也

晏丹鳥氏司閉也丹鳥鶯雉也以立秋來立冬去入

祝鳩氏司徒也祝鳩鷦鷯也鷦鷯孝鳴鳩氏司馬也鳴

王鳩也摯而有別鳴鳩氏司空也鳴鳩鷓鴣也鷓鴣平

鵠音結爽鳩氏司寇也爽鳩鷹也擊故鶡鳩氏司事也

鶡鳩音鵠也春來冬去故為司寇主賊盜五鳩鳩民者也

脊鳩聚也治民尚五雉為工正雉有五種西方曰鷩雉東

聚故以鳩為名五雉為工正方曰鷩雉南方曰翟雉北

方曰鷩雉伊洛利器用正度量夷民者也夷平九扈為

九農正

夏扈止也止人使不淫放也扈有九種春扈鵠鵠

喙各隨其宜以教其事者也鵠音救倫反喙音子夜反

嘖音莊

自顓頊以來不能紀遠乃紀於近為民師而

命以民事

德不能致遠瑞始以民事命官此鄭子對魯昭公之辭仲尼聞之曰吾聞之天子失官學

在四夷乃見于

又是五行之官是謂五官社稷五祀是

尊是奉

五官之君長能修其業者死配食於五行之神為王者所尊奉春官木正曰句

芒

正官長也兩木生句曲而有芒角其祀重也夏官火正曰祝融祝融明貌也其祀黎

也秋官金正曰蓐收

秋物摧蓐而可收也其祀諫也冬官水正曰元冥

水陰而幽冥其祀修及熙焉

中官土正曰后土

土為羣物主故稱后也其祀句龍焉在家

則祀中雷在野則祀社

唐堯之代命羲和欽若昊天曆象日月

設官部

職官總載

卷六十一

星辰敬授人時

重黎之後義氏和氏世掌天地四時之官故堯命之使敬順昊天昊天言元氣

廣大星四方中星辰日月所會曆象其分節

敬記天時以授人也此舉其目下別序之

分命義仲

宅嵎夷曰暘谷

宅居也東表之地稱嵎夷暘明也日出于谷而天下明故稱暘谷嵎夷一也義

仲居治東方之官

寅賓出日平秩東作

寅敬賓導秩序也歲起于東而始就耕謂之東

作東方之官敬導出日平均

申命羲叔宅南交

申重也南交言

夏與春交舉一隅以見

平秩南訛敬致

訛化也掌夏之官平序南方化

育之事敬行其教以致其

分命和仲宅西曰昧谷

昧冥

入于谷而天下冥故曰昧谷昧谷曰西則嵎夷東可知此居治西方之官掌秋天之政

寅饑納日

平秩西成

饑送也日出言導日入言送因事之宜

申命

和叔宅朔方曰幽都平在朔易

此稱朔亦稱方言一方則三方見矣北稱幽南

稱明從可知也都謂所聚也易謂歲改易于北方平均

在察其政以順天常上總言義和敬順昊天此分別仲

叔各有允釐百工庶績咸熙允信釐治工官績功咸皆

以告時授事則能信治禮正義曰四岳四時之官主四岳之事始義和之時主

百官衆功皆廣歎其美內有百揆四岳諸侯者也

禮正義曰四岳四時之官主四岳之事始義和之時主

四岳者謂之四伯至其死分岳事置八伯皆王官其八

伯唯驩兜共工放齊鯀四人而已餘四人無文可知故

書傳云惟元祀巡狩四岳八伯堯始以義和為六卿春

夏秋冬者并掌方岳之事是為四岳出則為伯其後稍

死分置八伯以九州而言八伯者據畿外八州也畿內

不置伯以鄉遂之吏主之四岳之外更有百揆之官者

但堯初天官為稷至堯試舜天官之任謂之百揆舜又

命禹為百揆

皆天官也

外有州牧侯伯

外置州牧十二

及五國之長

虞舜有

天下以伯禹作司空使宅百揆

禹代鯀為崇伯入為天

言可棄后稷播百穀契作司徒敷五教布五常皋繇作

設官部

職官總載

職官總載

一

士正五刑

士理獄官

垂作共工利器用

垂臣名共謂供其百工職事

伯益

作虞育草木鳥獸

虞掌山澤之官

伯夷秩宗典三禮

秩序宗尊也三禮天

地人之禮伯夷臣名姜姓

夔典樂教胄子

胄長也謂元子以下至卿大夫子弟以歌詩蹈之舞

之教長國子中

和神人

命夔使勉之

龍作納言出納帝命

納言

喉舌之官聽下言納於上

蓋亦爲六官以主天地四時

也崔靈恩曰自顓頊以來命南正重司天火正黎司地故重黎之後世掌天地官號曰義和唐堯受之方置

天地四時之官命義和之後使復舊職而掌天地之事又分命羲仲義叔和仲和叔使主四時爲六卿之任及

其末年舜攝百揆改地官爲司徒秋官爲十冬官爲司空春官爲秩宗故尚書曰乃命羲和欽若昊天分命和

仲和叔等使主四時之事又云百姓不親五品不遜契爲司徒敬敷五教地官之事也臯繇作士五刑有服秋

官之任也禹作司空以平水土冬官之職也伯夷爲秩宗典朕三禮此春官之所司也又周禮正義曰稷爲天

官義和爲夏官
共爲六官也

夏后之制亦置六卿

甘誓曰乃召六卿是也

其

官名次猶承虞制

殷制天子建天官先六太曰太宰

太宗太史太祝太士太卜典司六典

典法也周制太宰爲天官太宗曰宗

伯宗伯爲春官太史以下屬焉太士以神仕者

天子之五官曰司徒司馬司空

司士司寇典司五衆

衆謂羣臣也周制司徒司馬司空爲六

官天子之六府曰司土司水司草司器司貨典司

六職

府主藏六物之稅者周制皆屬司徒司土土均也

也司貨非人也非音革猛反

天子之六工曰土工金工石工木工獸

工草工典制六材

周制皆屬司空土工陶旋也金工築

工輪輿弓廬匠車梓也職工函鮑鞞韋裘也唯草工職亡蓋謂作鞋革之器鞞音吁援反旋音方往反

設官部

周禮卷六十一

職官總載

四

官致貢曰享

貢功也享獻也太宰歲終則令百官府各正其治受

其會聽其致事而詔王廢置也

五官之長曰伯

謂為三公也周禮九命作伯

千里之

內為王畿千里之外設方伯五國以為屬屬有長十國

以為連連有帥三十國以為卒卒有正二百一十國以

為州州有伯

屬連卒州皆聚也伯帥正亦長也凡長皆因賢侯為之殷之州長曰伯虞夏及周皆

曰八州八伯五十六正百六十八帥三百三十六長八

伯各以其屬屬於天子之老二人分天下以為左右曰

二伯

老謂上公

周成王既黜殷命參考殷官制為周禮以

作天地四時之名謂之六卿

改太宰為天官冢宰太宗為春官宗伯司徒為地官

司馬為夏官司寇為秋官司空為冬官

立天官冢宰掌邦治地官司徒掌

邦教春官宗伯掌邦禮夏官司馬掌邦政秋官司寇掌

邦刑冬官司空掌邦事

六官之職皆總屬於冢宰故論語曰君薨百官總己以聽於冢

宰爾雅曰冢大也冢宰則大宰於百官無所不主

各有徒屬周於百事

崔靈恩曰夫百

王不同各置官禮為禪讓相傳者亦不得不改但所以改者少非禪讓之世者變易必多以革人視聽所以禪讓不改多者以禪讓道同人未為弊故不改者多非禪讓之世須變人情故必多改故王者之興必有改官之禮此周禮所與之意也 歲終天子齋戒受諫諫當有六卿以百官

之成質於天子

質猶平也平其計要

百官齋戒受質

受平報也然後休

老勞農

饗食之也

成歲事

斷計要也

制國用自周衰官失而百職

亂戰國並爭各有變易

暨秦兼天下建皇帝之號

五帝

自以德不及三皇故自去其皇號三王又以德不及五帝自損稱王秦自以德兼二代故兼稱之

立百

設官部

職官總載

五

官之職不師古始罷侯置守太尉主五兵丞相總百揆

又置御史大夫以貳於相漢初因循而不革隨時宜

也其後頗有所改孟康注漢書曰大司馬左右前後將軍侍中常侍散騎諸吏為中朝丞相

以下至六百石為外朝王莽篡立慕從古官而吏民弗安亦多

虐政遂以亂亡當更始之時官爵皆羣小賈豎語詳類聚光武中興務從

節約并官省職費減億計後漢建武六年詔曰百姓遺難戶口耗少而官吏尚繁于

是司隸州牧條奏并省四百餘縣吏職減損十置其一廢丞相與御史大夫而以

三司綜理衆務泊于叔世事歸臺閣論道之官備員而

已魏與吳蜀多依漢制晉氏繼及大抵略同山公啓事曰晉

制諸坐公事者皆三年方得敘用其中多有好人令道遠無事臣以為略依左遷法隨資才減之亦足懲戒而

官不失其用詔善之又傅元奏曰諸官有病泰元六

年改制減費損吏士職員凡七百人時議省州郡縣半

議以為省吏不知省官省官不如省事省事不如清心

昔蕭曹相漢載其清靜此清心也漢文垂拱幾致刑措

此省事也光武并合吏員縣官四邑纔置十一此省官

也魏太和中遣王人四出減天下吏員正始中亦并合

郡縣此省吏也今必欲求之於本則宜以省事為先設

官分職委事責成量能授任思不出位若欲省官竊謂

九寺可並于尚書蘭臺宜省付三府東晉桓溫又表

曰愚謂門下三省祕書著作通可減半古以九卿給事

不專尚書今事歸內臺則九卿為虛設皆宜省

爰及宋

齊亦無改作

宋時制新長吏以父母疾去官禁錮三年

之上議曰所以為其制者溢官不久則奔競互生故杜

其欲速之請以申考績之實耳今父母之疾而加以罪

名損義疾理莫此為大認從之於是自二品以上父母

及為祖父母後者墳墓崩毀及疾病方屬輒去並不禁

對 又劉祗為中書郎江夏王義恭領中書監服親不
得相臨表解職也孝武詔曰昔二王兩謝俱至崇禮自

今三臺五省悉同此例 又詔曰方鎮所假禮
白版郡縣年限依臺除食祿三分之一不給送 官司有

三臺五省之號 三臺蓋兩漢舊名五省謂尚
書中書門下祕書集書省也 郡縣有三

歲為滿之期 宋州郡縣居職 梁武受終多遵齊舊然

而定諸卿之位分配四時 說在列 置戎秩之官百有餘

號 武帝時置百二十五 陳遵梁制不失舊物 陳依梁

滿三十者不得入仕唯經學生策試得第諸州迎主簿

西曹左奏及經為挽郎得仕其諸郡唯正王任丹陽尹

經迎得出身庶姓尹不得必有奇才異行殊勲別降恩

旨敘用者不在常例其相知表啓通舉者亦常有之亦
因年考校黜陟之既不為此式所以勤惰無辨凡選官
無定期闕即補多更年互遷官未必即進班秩其官唯
論清濁從濁得微清即勝於轉若有遷授或由別敘任
移轉一人為官則即諸官多須改動 陳書曰舊式拜

官皆在午後唯拜蔡景歷為度支尚書日駕
幸元武觀帝恐景歷不得預宴特令早拜

後魏昭

武之即王位初置官司分掌眾職

以燕鳳為右長史許議為郎中令

然

而其制草創名稱乖疏皇始元年道武平并州始建臺

省置百官封公侯將軍刺史太守尚書郎等官悉用文

人天興中太史言天文錯亂當改王易政故官號數革

初道武制官皆擬遠古雲鳥之義諸曹走使謂之鳧鴨取飛之迅疾也以伺察候宮禁謂之白鷺取其延頸遠

視他皆類此

至孝文太和中王肅來奔為制官品百司位號

皆準南朝改次職令以為永制

凡守令以六年為滿後經六年乃敘

又作

考格以之黜陟

太和十八年詔曰古者三載考績三考黜陟朕今三載一考考便黜陟各令當

司考其優劣為三等六品以下尚書重問五品以上朕與公卿親論善惡上上者遷之下下者黜之中中者守

設官部

職官總載

卷六十一

二

本位文宣武帝行考陟之法任事上中者三年升一階散

官上第者四載登一級孝明以後授受多濫

自明帝孝昌以後天

下多難刺史太守皆為當部督雖無兵事並立佐寮所以頗為煩擾及東魏靜帝時齊神武作相高隆之表請自非實在邊要見有兵馬者悉皆斷之又時諸朝貴多假常侍以取貂蟬之飾隆之自表解侍中并陳諸假侍服者請亦罷之又自軍國多事冒竊官者不可勝數隆之奏請檢括得五萬餘人而羣小喧譁隆之懼而止

北齊創業亦遵後魏臺省位號多類江東

以門下省掌獻納諫

正中書省管司王言秘書省典司經籍集書省掌從容諷議中常侍省掌出入門閣御史臺察糾彈劾

後

主臨御爵祿犬馬

御馬及犬廼有儀同郡公之號籍以旃罽食物十餘種其宮婢闈人商人

胡人雜戶歌舞人見鬼人濫富貴者萬數至末年太宰三師大司馬大將軍三公等官並增員而授之或兩或

三不可稱數

後周之初據關中猶依魏制及平江陵之後

別立憲章酌周禮之文建六官之職其他官亦兼用秦

漢

他官謂將軍都督
刺史太守之類

隋文帝踐極百度伊始復廢周

官還依漢魏其於庶寮頗有損益凡官以四考而代又

凡官以理去
職聽並執笏

至煬帝初存稽古多復舊章

百官不得計
考增級如有

德行功能灼
然顯著者擢

大業三年始行新令有三臺五省五監十

二衛十六府

殿內尚書門下內史祕書五省也
諤者司隸御史三臺也少府長秋國子將作都水

五監也左右翊左右驍左右武左右屯左右禦左右儀
十二衛也左右備身左右監門等凡十六府也或是舊

名或是新置諸省及左右衛武備
領軍監門府為內官其餘為外官

于時天下繁富四方

無虞衣冠文物為盛矣既而漸為不道百度方亂號令

日改官名月易圖籍散逸不能詳備 唐職員多因隋

制雖小有變革而大較不異

高祖制文官遭父母喪者聽去職

貞觀六

年大省內官凡文武定員六百四十有三而已

顯慶元年初制

拜三師三公親王尚書令雍州牧開府儀同三司驃騎

大將軍左右僕射並臨軒冊授太子二少侍中中書令

諸曹尚書諸衛大將軍特進鎮軍輔國大將軍光祿大

夫太子詹事太常卿都督及上州刺史在京者朝堂受

冊又制文武官五品以上者及龍朔二年又改京司及

病不因罪解者並聽同致仕例

百官之名

改尚書省為中臺門下省為東臺中書省為西臺其餘百司悉改之

咸亨元年

復舊至于武后再易庶官或從宜創號

改尚書省為文昌臺門下省為

鸞臺中書省為鳳閣御史臺為肅政

或參用古典

改六

臺及諸寺衛等名又置控鶴府官員

為天地四天授二年凡舉人無賢不肖咸皆擢拜大置

試官以處之試官蓋起此也

試者未為正命凡正官皆稱行守其階高而官卑者

稱行階卑而官高者稱守官階同者並無行守字太后
務收物情其年二月十道使舉人并州石艾縣令王山
耀等六十一人並授拾遺補闕懷州錄事參軍崔獻可
等二十四人並授侍御史并州錄事參軍徐昕等二十
四人並授著作郎魏州內黃縣尉崔宣道等二十二
人並授衛佐校書御史等故當時諺曰補闕連車載拾遺
平斗量擢掇侍御史碗脫于時擢人非次刑網方密雖
校書郎試官自此始也

驟歷榮貴而敗輪繼軌

神功元年制曰其有從勲官品
子流外國官參佐視品等出身

者自今不得任京清顯要等官若累階應至三品者不
得進階每一階酬勲兩轉如先有上柱國者聽迴授基
以上親必有異行奇材
別立殊効者不拘此例
神龍初官復舊號
凡武后所
改之官

年三月又置員外官二千餘人

國初舊有員外官至此
大增加兼超授諸閣官

為員外官者亦千餘人中書令李嶠初自地官尚書貶
通州刺史至是詔拜吏部侍郎嶠志欲曲行私惠求名
悅眾冀得重居相位乃奏請大置員外官多引用勢家
親識至是嶠又自覺銜衡失序官員倍多府庫由是減
設官部

耗於是遂有員外

員外官其初但云員外至永徽六年以蔣孝璋為尚樂奉御員外特置仍

同正員自是員外官復有同員外者其加同正員者唯不給職田耳其祿俸賜會與正官同單言員外者則俸

祿減正檢校試攝判知之官

攝者言敕攝非州府版署之命檢校者云檢校某官

判官者云判某官事知者云知某官事皆是詔除而非正命

逮乎景龍官紀大紊復

有斜封無坐處之頌興焉

景龍中有太平安樂長寧宜城等諸公主及皇后陸氏妹

鄰國夫人李氏妹崇國夫人并昭容上官氏與其母沛國夫人鄭氏尚書柴氏賀婁氏女巫隴西夫人趙氏皆

敘用親識亦多猥濫或出自臧獲或由于屠販多因賂貨累居榮秩或能別于側門降墨敕斜封以授焉故時

人號為斜封官時既政出多門遷除甚衆自宰相至于內外員外官及左右臺御史多者則數踰十倍皆無聽

事可以處之故時人謂之三無先天以來始懲其弊

元宗

坐處謂宰相御史及員外官也御極宰相姚元崇宋璟兼吏部尚書大革姦濫十去其

九時有殿中侍御史崔涖太子中允薛昭諤帝曰先朝

所授斜封官恩命已布而姚元崇宋璟等沮先帝之明
歸怨陛下道路謗讟天下稱冤奈何與萬人爲仇敵恐
有非常之變上以爲然乃下詔曰諸緣斜封別敕授官
先令停任宜並量材敘用監察御史柳澤又上疏極言
不可其斜封官得免罪戾已沐恩私旬月之內頻煩降
旨前敕令至冬處分後敕又令替人却停將何以止姦
邪將何以懲風俗至開元二十五年刊定職次著爲格令
此式皆武

德貞觀之舊制永徽初已詳定之至開元二十五年再
刪定焉至二十八年又省文武六品以下官三百餘員
及諸流外蓋尚書省以統會衆務舉持繩目門下省以

番官等侍從獻替規駁非宜中書省以獻納制冊敷揚宣勞祕

書省以監錄圖書殿中省以供修膳服內侍省以承旨

奉引尚書門下中書秘書御史臺以肅清寮庶九寺太

光祿衛尉宗正太僕大理

鴻臚司農太府爲九寺五監少府將作國子軍以分

設官部

理羣司六軍

左右羽林左右龍虎左右神武爲六軍

十六衛

左右衛左右武

右威門左右領軍左右金吾左

右監門左右千牛爲十六衛以嚴其禁禦一詹事府

二春坊

有左右春坊又有內坊掌閣內諸事

三寺

家令寺率更寺太僕寺

十率

左右

右司禦左右清道左右監門左右內侍凡十率府

俾又儲宮牧守督護分臨畿

內京府置牧餘府州置都督都護太守

設官以經之置使以緯之

按察采訪等使

以理州縣節度團練等使以督府軍事租庸轉運鹽鐵青苗營田等使以毓財貨其餘細務因事置使者不可勝數其轉運以下諸使無適所治廢置不常故不便列于篇自六品以下率由選曹

居官者以五歲爲限於是百司具舉庶績咸理亦一代

之制焉

一歲爲一考四考有替則爲滿若無替則五考而罷六品以下吏部注擬謂之旨授五品以上

則皆敕除自至德之後天下多難甄才錄劾制敕特拜繁于吏部于是兼試員外郎倍多正員至廣德以來乃

立制限州縣員外兼試等官各有定額並云額內溢於
限者不得視職其有身帶京官冗職資名清美兼州縣
職者云占闕焉即如正員之例官以三考
而代無替四考而罷由是官有常序焉

禮文獻通

考曰唐自太宗時已有員外置其後又有特置同正員
至于檢校兼守判知之類皆非本制又有置使之名或
因事而置事已則罷或遂置而不廢其名類繁多莫能
徧舉肅代以後盜起兵興府庫無蓄積朝廷端以官爵
賞功諸將出征皆給空名告身自開府特進列卿大將
軍下至中郎將聽臨事注名其後又聽以信牒授人官
爵有至異姓王者諸軍但以職任相統攝不復計官資
高下及清渠之敗復以官爵收散卒由是官爵輕而貨

重大將軍告身一道纒易一醉凡應募入軍者一切衣

金紫至有朝士僮僕衣金紫稱大官而執賤役者名器

之濫至是而極

張巡在雍丘繼領一縣千兵而大將六人官皆開府物進德宗遊難于奉天渾

城之童奴曰黃苓力戰即封渤海郡王至于德昭之世

遂有捉船郭使君看馬李僕射之號德宗幸梁州在道

民有獻瓜果者上欲試以散官陸贄言軍興以來財賦

不足以供賜而職官之賞興焉方今之病在于爵輕設

法貴之猶恐不重若又自棄何以勸人夫誘人之方惟

名與利名近虛而于教爲重利近實而于德爲輕端實

利而不濟之以虛則耗匱而物力不給專虛名而不副

之以實則誕慢而人情不趨夫突銛鋒排患難者則以

是賞之竭筋力盡勤効者又以是酬之若獻瓜果者受

試官彼人將曰吾以忘軀命獲官而彼以獻瓜果得官

是國家以吾之軀

命同之瓜果矣

宋朝設官之制名號品秩一切襲

用唐舊然三公不常置宰相不需用三省長官中

書門下並列於外又別置中書於禁中是謂政事堂與樞密院對掌大政天下財賦內庭諸司中外筦庫悉隸三司中書省但掌冊文覆奏考帳門下省主乘輿八寶朝會位版流外考校諸司附奏挾名而已臺省寺監官無定員無專職悉皆出入涖庶務故三省六曹二十四司互以他官典領雖有正官非別敕不治本司事事之所寄十亡二三故中書令侍中尚書令不與朝政侍郎給事不領省職左右諫議無言責而起居郎起居舍人不執記事之筆中書常闕舍人門下罕除常侍補闕拾遺改爲司諫正言而非特旨供職亦不任諫諍至於僕

射尚書丞郎郎中員外居其官不知其職者十常七八
祕書殿中二省名存實廢惟內侍所掌猶髣髴故事九
寺五監尤爲空官六統軍十六衛每遇大禮但遣官攝
事以備儀範天聖中始以環衛官補宗室子東宮官不
常置公主無邑司節度使不食本鎮租賦藩府除授雖
帶都督之名而實不行都督之事京府以及四方大鎮
皆有牧尹而類非親王不除諸路無觀察采訪而觀察
防禦團練刺史特以爲右列敘遷之寵雖有正任遙領
大率不親本州之務諸司使副有東班西班又有橫班
橫班之有職事者獨閣門客省四方館略有典掌其他

悉無所領此其大槩也至於官人授受之別則有官有職有差遣官以寓祿秩敘位著職以待文學之選而差遣以治內外之事其次又有階有勳有爵故士人以登臺閣陞禁從爲顯宦而不以官之遲速爲榮滯以差遣劇要爲貴途而不以階勳爵邑有無爲輕重時人爲之語曰寧登瀛不爲卿寧抱槧不爲監虛名不足砥礪天下也如此外官則懲五代藩鎮專恣頗用文臣知州復設通判以貳之階官未行之先州縣守令多帶中朝職事官外補階官既行之後或帶或否視是爲優劣大凡一品以下謂之文武官未常參者謂之京官樞密宣徽

三司使副學士諸司而下謂之內職殿前都校以下謂之軍職外官則有親民釐務二等而監軍巡警亦比親民此其槩也故自真宗仁宗以來議者多以正名爲請咸平中楊億首言文昌會府有名無實宜復其舊旣而言者相繼乞復二十四司之制至和中吳育亦言尚書省天下之大有司而廢爲閒所當漸復之然未遑釐正神宗即位慨然欲更其制熙寧末始命館閣校唐六典元豐三年以摹本賜羣臣乃置局中書命翰林學士張璪等詳定八月下詔肇新官制臺省寺監領空名者一切罷去而易之以階九月詳定所上寄祿格會明堂禮

成近臣遷秩即用新制而省臺寺監之官各還所職矣
五年省臺寺監法成六年尚書新省成帝親臨幸召六
曹長貳以下詢以職事因誡敕焉初新階尚少而轉行
者易以及元祐初於朝議大夫六階以上始分左右旣
又以流品無別乃詔寄祿官悉分左右詞人爲左餘人
爲右紹聖中罷之崇寧初以議者有請自承直至將仕
郎凡換選人七階大觀初又增宣奉至奉直大夫四階
政和末自從政至迪功郎又改選人三階於是文階始
備而武階亦詔易以新名正使爲大夫副使爲郎而橫
班十二階使副亦然故有郎居大夫之上者繼以新名

未具增置宣正履正大夫郎凡十階通爲橫班而文武
官制益加詳矣大抵自元祐以後漸更元豐之制二府
不分班奏事樞密加置簽書戶部則不令右曹專典常
平而總於其長起居郎舍人則通記起居而不分言動
館職則增置校勘黃本凡此皆與元豐稍異也後蔡京
當國率意自用然動以繼志爲言首更開封守臣爲尹
牧由是府分六曹縣分六案又內侍省職悉倣機延之
號已而脩六尚局建三衙郎又更兩省之長爲左輔右
弼易端揆之稱爲太宰少宰是時員旣溢冗名且紊雜
甚者走馬承受升擁使華黃冠道流亦濫朝品元豐之

制至此大壞及宣和末王黼用事方且追咎元祐紛更
乃請設局以脩官制格目爲正名而邊事起矣建炎中
興參酌潤色因呂頤浩之請左右僕射並同中書門下
平章事兩省侍郎改爲參知政事三省之政合乎一乾
道八年又改左右僕射爲左右丞相刪去三省長官虛
稱道揆之名遂定然維時多艱政尚權宜御營置使國
用置使脩政局置提舉軍馬置都督並以宰相兼之總
制司理財同都督督視理兵並以執政兼之因事創名
殊非經久惟樞密本兵與中書對掌機務號東西二府
命宰相兼知院事建炎四年實用慶曆故典其後兵興

則兼樞密使兵罷則免至開禧初始以宰臣兼樞密爲
永制當多事時諸部或長貳不並置或并郎曹使相兼
之惟吏部戶部不省不并兵休稍稍增置其後詔非曾
任監司守臣不除郎官著爲令又增館閣員廣環衛官
然紹興務行元祐故事以左右二字分別流品其後以
人言省去寧清濁相涵無絕人遷善之路橫班以郎居
大夫之上旣釐而正之矣而介胄之士與搢紳同稱寧
名號未正毋示人以好武之機陳傅良欲定史官遷次
之序衆論躓之而未及行洪邁欲改三衙軍官稱謂當
時嘉之卒未暇講蓋自元祐以逮政和已未嘗拘乎元

豐之舊中興若稽成憲二者並行而不悖故凡大而分
政任事之臣微而筦庫監司之官沿襲不革者皆先後
之所同便也或始創而終罷或欲革而猶因則有各當
其可者焉 續文獻通考曰遼國事簡職專官制樸實

太祖神冊六年詔正頒爵至太宗兼制中國乃分南北
北面治宮帳部族屬國之政南面治漢人州縣稅賦
軍馬之事因俗而治得其宜矣初太祖分迭刺夷離堇
爲南北二大王謂之南北院宰相樞密宣徽林牙下至
郎君護衛皆分南北其實所治皆北面之事北樞密視
兵部南樞密視吏部南北二王視戶部夷離堇視刑部

宣徽視工部敵麻烈都視禮部以南北府宰相總之惕
隱治宗室林牙脩文告于越坐而議論以象三公朝廷
之上事簡職專此遼之制也 金自景祖始建官屬統
諸部以專征伐嶷然自爲一國其官長皆稱曰勃極烈
故太祖以都勃極烈嗣位太宗以諸版勃極烈居守諸
版尊大之稱也其次曰國論忽魯勃極烈國論言貴忽
魯言總帥也又有國論勃極烈或左右置所謂國相也
其次諸勃極烈之上則有國論乙室忽魯移賚阿買阿
舍之號爲升拜宗室功臣之序其部長曰孛堇統數部
者曰忽魯凡此至熙宗定官制皆廢其後惟鎮撫邊民

之官曰禿里烏魯國之下有埽穩脫朶詳穩之下有麼
忽習尼昆此則具於官志而不廢皆踵遼官名也漢官
之制自平州人不樂爲猛安謀克之官始置長史以下
天輔七年以左企弓行樞密院于廣寧尚踵遼南院之
制天會四年建尚書省遂有三省之制至熙宗頒新官
制乃換官格除拜內外官始定勲封食邑入銜而後其
制定然大率皆循宋遼之舊海陵正隆元年罷中書門
下省止置尚書省自省而下官司之別曰院曰臺曰府
曰司曰寺曰監曰局曰署曰所各統其屬以脩其職終
金之世守而不變焉 元太祖起自朔土統有其衆部

落野處非有域郭之制國俗淳厚非有庶事之繁惟以
萬戶統軍旅以斷事官治刑政任用者不過一二新貴
重臣耳及取中原太宗始立十路宣課司選儒臣用之
世祖即位大新制作遂命劉秉忠許衡酌古今之宜定
內外之官其總政務者曰中書省秉兵柄者曰樞密院
司黜陟者曰御史臺其次在內者則有寺有監有衛有
府在外者則有行省有行臺有宣慰司有廉訪司其牧
民者則曰路曰府曰州曰縣官有常職位有常員其長
則蒙古人爲之而漢人南人貳焉於是—代之制始備
大德後僥倖之門開方正之途閉官冗于上吏肆于下

言者屢疏論列而朝廷訖莫能正勢固使之然也明
太祖初下建康設官頗仍元舊洪武元年設六尚書而
皆隸中書省十三年以胡惟庸謀逆遂廢丞相垂訓後
世分其職於六部惟選簡才望以備顧問成祖踐阼始
建內閣仁宗登極始以東宮舊臣入閣辦事陞楊士奇
爲禮侍尋陞少保兼華蓋殿大學士楊榮爲太常卿進
太子少傅兼謹身殿大學士楊溥擢翰林院學士陞太
常卿兼學士內閣辦事由是閣權漸重無異宰相而六
部之權漸輕凡事皆稟受內閣風旨而後行矣又改樞
密院爲都督府又分大都督五而攝其樞要於兵部五

者中左右前後五軍都督府使知院從一品爲左右都督陞正一品副使同知院正二品爲都督同知從一品僉院從二品判事從三品今爲僉事亦係正二品改前代御史大夫中丞爲都御史臺爲察院以監察御史分設十三道并革古侍御史殿中侍諸名銜而糾劾巡按照刷問擬之任一切責之監察御史自前世重矣無如監察之重者又設給事中分爲六科各設給事中凡八十一人每科增都給事一人至景泰中命左右都給事中坐御史上六科掌侍從規諫補闕拾遺分察六部之事而糾其弊誤權爲最重外官初用布按二司統攝郡縣至永樂間始設巡撫然亦止設於要害之地洪熙宣德初年添設漸多用都

御史侍郎通政卿丞景泰以後悉用都御史矣國初金陵官制已具後雖定鼎北平而南省之官不廢惟事權不及職事高簡朝廷以是爲儲才臣子因之而養望又以龍興之地名爲兩都終明之世故不敢廢此亦一代之制也

職官總載二

增書曰俊乂在官

俊德治農之士皆在官

百僚師師百工惟時撫

于五辰庶績其凝 又曰無曠庶官天工人其代之

又曰任官惟賢才左右惟其人臣爲上爲德爲下爲民

又曰官不及私昵惟其能

不加私昵惟能是官

又曰爵罔及

惡德惟其賢

原

又曰德懋懋官

又曰成王既黜殷

命滅淮夷歸于宗周董正治官曰唐虞稽古建官惟百
內有百揆四岳外有州牧侯伯 尚書大傳曰古者天
子三公每一公三卿佐之每一卿三大夫佐之每一大
夫三元士佐之 禮記曰有虞氏官五十夏后氏官百

殷二百周三百天子立六官三公九卿二十七大夫八
十一元士以聽天下之外治以明章天下之男教 大
戴禮曰古之御政以治天下者冢宰之官以成道司徒
之官以成德宗伯之官以成仁司馬之官以成聖司寇
之官以成義司空之官以成禮 東觀漢記曰更始所

置官多羣小長安謂之曰竈下養中郎將爛羊胃騎都尉爛羊頭關內侯漢舊儀曰古法聖猶試故今丞相設四科之辟以博異德第一科曰德行高妙志節清白二科曰學道脩行經中博士三科曰明曉法令足以浚疑能案章覆問文中御史四科曰剛毅多略遭事不惑明足以照姦勇足以浚斷才任三輔劇令皆試以其能然後官之第一科補西曹南閣祭酒二科補議曹三科補四辭八奏四科補浚莊子曰智效一官藝文類聚賈誼新書曰王者官人六等一曰師二曰友三曰大臣四曰左右五曰侍御六曰廝役智足以爲源泉行足以爲

表儀謂之師智足以爲礪礪行足以爲輔助謂之友智
足以謀國事行足以爲民率謂之大臣脩身正行不憊
於鄉曲左右也事君不敢有二心侍御者也惟言之聽
以事君者廝役也

說苑曰應侯與賈子坐聞有鼓琴
之聲應侯曰今之琴一何悲也賈子曰夫張急調下故
使之悲耳張急者良才也調下者官卑也取夫良才而
卑官之安能無悲乎應侯曰善

增唐沈既濟選舉議

曰選舉之法三科曰德也才也勞也然安行徐言非德
也麗藻芳翰非才也累資積考非勞也今但以此求天
下之士固未盡也臣謂五品以上及羣司長官宜令宰

臣進叙吏部兵部得參議焉其六品以下或僚佐之屬許州府辟用其或選舉非公則吏部兵部察而舉之加以黜陟則衆才咸得矣 司馬光奏曰爲政得人則治

然人之才或長於此而短於彼雖臯夔稷契各守一官中人安可求備臣備位宰相職當選官若專引知識則嫌於私止循資序未必皆才乞設行義純古可爲師表節操方正可備獻納智勇過人可備將帥公正聰明可備監司經術精通可備講讀學問該博可備顧問文章典麗可備著述善聽獄訟盡公得實善治財賦公私俱便練習法令能斷請讞凡十科取士應侍從以上每歲

十科舉三人中書置籍記之有事須材執政案籍視其所科舉隨事試之有勞又著之籍內外官闕取嘗試有效者隨科授職詔從之 元趙天麟上策曰臣聞設紀

張綱莫如清簡建官置吏切戒煩多夫爵者官之尊也階者官之次也品者官之序也職者官之掌也位者官之居也祿者官之給也吏者官之佐也雖則事非位立而不辦亦有事因位多而益生此聖王所以貴寡而不貴多欲靜而不欲躁也漢光廢四百縣而下民業定隋文廢五百郡而天下政行皆以官不用多而在乎得賢政不在煩而貴乎省事也冗官之大弊有三一曰選法

之弊二曰政事之弊三曰軍民之弊夫文武官吏員數
既多當考滿之時近春秋之選資格之簿擾攘紛紜保
薦之文交錯旁午有司行文猶且未暇奚暇顧孰果有
才孰果有德而考較之哉既不遑考校則取準於籍文
薦書之所陳布者矣如此而欲雜流之人不進貨賂之
門不開豈可得乎雜流行賄者得志則人皆可以仕矣
以致員多缺少無如之何經營者早得遷除養高者坐
淹歲月此選法之弊也夫文武官吏員數既多有當浚
之事而不浚有當行之政而不行問其職則曰我非此
職問其施爲則曰僚屬非一豈我之所能獨主混齊竿

而難辯受王命而自安及朝廷聞之遂立稽違期限之
罰不亦晚與此政事之弊也夫文武官吏員數既多國
家用人路廣浮濫亦升遂使臨蒞在下豈能敷政化哉
政教不敷而刻剝之苦役使之煩爲害良多此軍民之
弊也三弊不絕而立法以防之立法者不能旁照員益
增而弊益多矣故須三弊盡絕而後法乃可立也 明
鄭曉百官述曰聖祖稽古定制始復有虞之典官皆三
年一考六年再考九年通考中有善政著聞者即行旌
異之典其秩滿者則又加秩加官仍其舊任是以官安
其職民安其生任者無奔走道路之勞居者無送舊迎

新之費百年以來率循是道近自選法淹滯以來乃行一切苟且之政數易變更甚非祖宗立法之初意矣

胡端敏奏議曰藩臬守令皆久任而責成功弘治以前皆然也今則遷徙不常矣是故春爲知府或僉事於南秋陞副使或參議於北來春則又陞參政或憲使於東西矣甚者初陞右布政使憚遠不行在家稍候三二月即改左而近之矣到任未及三二月即望轉而京堂矣由是一歲之間往來道路如織月日過半其能在任幾何至於進士爲知縣者亦惟僅及三年即擢中間朝覲科場差委參謁奔走曠廢歲月居半事在承上而不在

恤下也故今藩臬守令皆過客也其視地方之凋弊若見驛舍之所損壞誰爲之脩也視生民之困苦若見驛馬之疲瘠誰爲之恤也善乎近日有爲策議者曰子產爲政累年而後化成伯禽治魯三年而後報政今之人未必皆聖賢聰明得于簡冊之陳言志力奪於舉業之舊習而旁視同輩超遷內拜者屢矣於是而速進之念生速進之念生則爲民之意短而求上之意急謀身之術勝而取民之計多百姓何利于是哉愚案天順以前官多久任而致績効如周忱之巡撫蘇松自侍郎而至尚書凡二十二年王翱之提督遼東自僉都歷陞副都

左右都凡十一年于謙之兼鎮河南山西一十八年此
撫臣久任見於名臣錄者可稽也如東莞知縣盧秉安
任至一十九年而清操不易臨行惟受士民之詩陳璉
知滁州垂十年而異政著聞當時亟來褒擢之典此守
令久任見于郡邑志者可考也明詔天下自今斷行久
任如巡撫守令皆以九載爲滿以六期爲限非踰六載
不得遷轉其貪殘不職者歲案黜如今法其政事卓異
者璽書旌獎增秩賜金超遷大拜如漢世庶得收用人
之效乎

職官總載三

增

奮庸熙載

亮采惠疇

制治

于未亂

保邦

于未危

庶

政惟和

萬國咸寧

以倡九牧阜成兆民

撫于五

辰庶績其凝

俱尚書

臣而不臣

伊尹對湯曰君之所不名臣者四諸父臣而不

名諸兄臣而不名先王之臣臣而不名盛德之士臣而不名是謂大順也

參而有參湯問伊尹曰古

者所以立三公九卿大夫列士者何也伊尹對曰三公者所以參五事也九卿者所以參三公也大夫者所以

參九卿也列士者所以參大夫也參而有參是謂事宗事宗不失外內若一

原稽古建官

尚書周官篇云唐虞稽古建官惟百夏商官倍亦克用又孔安國云稽考也堯舜考古以建百官也又治克能

也禹湯建官二設官分職

周禮天官職云惟王建國辨方正位體國經野設官分職

以為

建官惟賢

書武成篇建官惟賢孔安國傳云官以賢才也立官必方

春秋云先王之立高官也必使之方方則分定分定則下不相隱

授事以尊賢

禮記文王

世子篇云以人賢才以級進仲長子云公卿大夫雖有授事以官尊賢賢才皆級次進官之有級猶階之有等也**增**疑則勿用用則勿疑接見羣臣總

攬豪傑推赤心以待臣展四體以報下謝泌奏云明

黜陟抑僥倖精貢舉擇長官經濟類編范仲淹除參知政事帝方

銳意太平數問世事仲淹語人曰上用我至矣事有先後久安之弊非朝夕可革也帝再賜手詔又爲之開天章閣召輔臣條對仲淹退上數事悉採用之有知必試使人以器量

能受爵立賢無方設官以理務則務寡而官省

省官以治國則職顯而人清桓溫集略表云爲官擇人則官

雖簡而常若有餘爲人擇官則官雖煩而常若不足

宋許應龍奏云以慎名器之法擇人而用之以考幽明之

法順理而考之 典選者易見其人易程其效而選法

清 臨政者事有所歸職有所主而政績成 在下者

省于煩役免于苛刻而民業足 元趙天麟策云 莫貴于德

莫急于才 才德兼全者 大丈夫也 德勝才者 君子也 有

德無才者 淳士也 有才無德者 小人也 才德兼無者 愚人

也 正直之科 剛德之科 柔德之科 贊化之才

銓選之才 風憲之才 戎事之才 政事之才

監守之才 錢穀之才 方術之才 趙天麟策云 **原論才**

大司馬辨才 執秩 晉文公作執秩以正其官執秩主作秩者 承事 百官承事 居

方 各設官 委質 策名 守官 守道不 官人 國之急也 命秩

有位

朝下當官而行

筮仕

筮始也

將仕

屬官

聯事

爛羊頭

詳類聚

續狗尾

晉趙王倫篡位取皆屠沽人人爭

功官皆濫授珥貂蟬者二百餘人

時人語曰貂不足狗尾續

由官邪

國家之敗由官邪也

縻王爵

熙帝載

亮天工

人之師表

景訪曰吏者人之師表也車服宜稱

身之所庇

謂大官大

邑也

入財為官

馮翊以王霸入財為官不署右職

干祿及門

仕進之門

允

釐百工

無曠庶官

頒官分務

陳力就列

人代

天工

賢為國寶

慎簡乃寮

各揚其職

揚舉也

寘

彼周行

委之常秩

官執人柄

官無滯事

官不

易方

方業也

官庀其司

物有其官

官脩其方

列貴

賤存乎位

為大政酌於人

卑高以陳貴賤位矣

授方任能政有經矣

職官總載四

增詔元至元二十三年七月清冗職詔曰惟我祖宗肇造區夏雖中書已嘗建立而官制未暇舉行迨予圖大以宅中思欲繼志而述事集儒臣之公議法前代之彛章爰立省部院臺以正朝廷綱紀自疆土極照臨之遠而省臺有內外之分日益月增官冗人濫嘗敕有司而澄汰意能舊制之遵承比聞近侍之言謂益曩時之弊彼不勝重任有壅上聞苟尚蹈匪彛時惟予咎其清冗職用復前規於戲官不必備惟其人朕恪守已成之憲

爾尚克勤于乃事尚永肩圖報之心

舊策王融代策秀才問曰惟王建國惟典命官上協星象下符川嶽必待天爵具修人紀咸事然後沿才授職揆務分司是以五正置於朱宣下民不忒九工開於黃序庶績其凝周官三百漢位兼倍歷茲以降游惰寔繁若閒冗畢棄則橫議無已冕笏不澄則坐談彌積

原詩魏應璩雜詩曰散騎常師友朝夕進規獻侍中主喉舌萬機無不亂尚書統庶事官人乘法憲彤管弭納言貂璫表武弁出入承明廬車服一何煥三寺齊榮秩百寮所瞻願

原頌晉陸機漢高祖功臣頌曰茫茫宇宙上參下躡波

振四海塵飛五岳九服徘徊三靈改卜赫矣高祖肇載
天祿彤雲晝聚素靈夜哭萬邦宅心駿民效足堂堂蕭
公王迹是因綢繆叡后無競惟人外濟六師內撫三秦
拔奇夷難邁德振民名蓋羣后是謂宗臣平陽樂道在
變則通爰淵爰默有此武功長驅河朔電擊壤東協策
淮陰亞迹蕭公文成作師通幽洞冥永言配命因心則
靈窮神觀化望景揣情鬼無隱謀物無遁形運籌固陵
定策東襲三王從風五侯允集霸楚實喪皇漢凱入曲
逆宏達好謀能深遊精杳漠神迹是尋奇謀六奮嘉慮

四回規主以足離項于懷韓王窘執胡馬洞開灼灼淮
陰靈武冠世策出無方思入神契陵險必夷推剛則脆
肇謀漢濱還定渭表濟河夷魏登山滅趙威掠火烈勢
踰風埽拾代如遺偃齊猶草彭越觀世韜迹隱光威凌
楚域質委漢王靖難河濟即宮舊梁烈烈黥布眈眈其
眇名冠強楚鋒猶駭電肇彼梟風翻爲我扇天命方集
王在東夏矯矯三雄至於垓下元凶旣夷寵祿來假張
耳之賢有聲梁魏俯思舊恩仰察五緯脫迹違難披榛
來洎改策西秦報辱北冀王信韓孽宅土開疆我圖爾
才越遷晉陽盧綰自微婉孌我皇跨功踰德祚爾輝章

吳芮之王祚由梅鎬功微勢弱世載忠賢肅肅荆王董
我三軍圖掌四方殷薦其勲庸親祚勞舊楚是分安國
違親悠悠我思依依哲母旣明且慈引身伏劔永言固
之主亡與亡末命是期絳侯質木多略寡言曾是忠勇
惟帝攸歎雲鷺靈丘景逸上蘭平代擒豨奄有燕韓寧
亂以武斃呂以權實惟太尉劉宗以安舞陽道迎延帝
幽藪宣力王室匪惟厥武總干鴻門披闥帝宇簪顏誚
項掩淚寤主百王之極舊章靡存稷嗣制禮下肅上尊
穆穆帝典煥其盈門風晞三代憲流後昆紀信誑項軺
軒是乘身與煙銷名與風興周苛慷慨心若懷冰形可

以暴志不可凌 晉張子並楊四公頌曰峩峩西岳峻
極太清降神挺賢實有景靈靈何為四四楊是丁佐我
大侯俾我韓貞明明在上不顯其身帝時疇咨本道求
貞僉曰於公溫故知新宜保宜傅克贊典墳昔在阿衡
左右商王有周文武股肱旦望我漢楊氏代作棟梁蹇
蹇匪躬惟國之綱綱弛復整政無亂荒功假皇穹率土
以康心盡于朝終然允臧伊德之輔是乃毛羽匪哲匪
賢孰云敢舉楊氏蹈之為軌為武軌武伊何盡啓基緒
穆穆天子以為心膂於萬斯年克昌厥後

原贊後漢班固公孫弘傳贊曰公孫弘卜式倪寬皆以

鴻漸之翼困於燕爵遠迹羊豕之間非遇其時焉能致
此位乎是時漢興六十餘載上方欲用文武求之如弗
及始以蒲輪迎枚生見主父而歎息羣士慕向異人並
出卜式拔于芻牧弘羊擢于賈豎衛青奮于奴僕日磾
出于降虜斯亦曩時版築飯牛之朋也漢之得人於茲
爲盛儒雅則公孫弘董仲舒倪寬篤行則石建石慶質
直則汲黯卜式推賢則韓安國鄭當時定令則趙禹張
湯文章則司馬遷相如滑稽則東方朔枚臯應對則嚴
助朱買臣歷數則唐都洛下閎協律則李延年運籌則
桑弘羊奉使則張騫蘇武將帥則衛青霍去病受遺則

霍光金日磾其餘不可勝紀是以興造功業制度遺文
後世莫及孝宣承統纂脩洪業亦講論六藝招選茂異
而蕭望之梁丘賀夏侯勝韋元成嚴彭祖尹更始以儒
術進劉向王褒以文章顯將相則張安世趙充國魏相
邴吉于定國杜延年治民則黃霸王成龔遂鄭弘邵信
臣韓延壽尹翁歸趙廣漢嚴延年張敞之屬皆有功績
見述後世參其名臣亦其次也 晉袁宏三國名臣贊
曰赫赫三雄並迴乾軸競收杞梓爭采松竹鳳不及棲
龍不暇伏英英文若靈鑿洞照應變知微探蹟賞要日
月在躬隱之彌曜公達潛朗思同著蔡運用無方動攝

羣會邈哉崔生體正心直天骨踈朗牆宇高嶷忠存軌
迹義形風色思樹芳蘭剪除荆棘景山恢誕韻與道合
形器不存方寸海納和而不同通而不雜遇醉亡辭在
醒貽荅長文通雅義格終始思戴元首擬伊同恥嘉謀
肆庭讜言盈耳淵哉泰初宇量高雅器範自然標準無
假全身由直迹汙必僞處死匪難理存則易六合徒廣
容身靡寄堂堂孔明基宇宏邈器同生人獨稟先覺標
榜風流遠朋管樂士元弘長雅性內融崇善愛物觀始
知終喪亂備矣勝塗未隆先生標之振起清風公琰植
根不忘中正豈曰模擬實在雅性推賢恭已久而可敬

公瑾英達朗心獨見披草求君定交一面桓桓魏武外
託霸迹志掩衡霍恃戰忘敵卓卓若人曜奇赤壁三光
參分宇宙暫隔子布擅名遭世方擾撫翼桑梓息肩江
表王略威夷吳魏同寶遂贊宏謨匡此霸道昂昂子敬
拔迹草萊荷擔吐奇乃構雲臺子瑜都長體性純懿諫
而不犯正而不毅將命闕庭退忘私位伯言蹇蹇以道
佐世出能勤功入亦獻替謀翊社稷解紛挫銳元歎穆
遠神和形檢如彼白珪質無塵玷清不增潔濁不加染
仲翔高亮性不和物好是不羣折而不屈屢摧逆鱗直
道受黜歎過孫陽放同賈屈

設官沿革一

原

黃帝六相

堯有十相

為之輔相不必名官

少昊司

徒

前漢嘗加大後漢又加大

司馬

項羽加大漢以後曰大後周又加大

司空

前漢加大

改御史大夫為之後周又加大

司寇

後周有內司寇卿又加大

唐羲和

羲仲

羲叔

和仲

和叔

州牧

虞太師

太保

納

言

隋及唐嘗改侍中為之

后稷

秩宗

士

共工

虞

夏

九卿

商太宰

晉宋齊梁陳改太師為之

太宗

太史

太祝

太士

太卜

司士

司土

司木

司水

司草

司器

司貨

太子太師

太子太保

太子太傅

太子少傅

方伯

周太傅

少師

少保

冢宰

後周

加 大 宗伯 後周加大 內史 秦置內史治京師如諸郡守後周有內史中丞大夫隋改中書

嘗為內史監令唐亦嘗以中書為內史 太僕正 至漢為太僕梁為卿唐嘗謂司馭卿又嘗為司僕卿

大將軍 自戰國時楚置 前後左右將軍 周末置 秦太尉

左右丞相 丞相 後周末加大 相國 侍中 本丞相史隋改為納言又

改為侍內至唐嘗為納言或為左相或為黃門監 黃門侍郎 後周納言大夫唐改為鸞臺侍

郎 又改為 散騎常侍 魏加侍郎又加員外又 少府

吏在殿中主發書謂之尚書四人 漢置五人其一人為僕射四人分曹後漢

為五曹至 尚書令 僕射 漢置左右至唐嘗改為左

晉有六曹 尚書丞 西漢置四人後漢減二人為

太后嘗為文 御史大夫 初唐嘗為大司憲武太后又 奉常 漢改曰

昌左右相 御史大夫 嘗改為肅政又分為左右 奉常 漢改曰

設官沿革

改曰奉常又改為太常後漢又為奉常自後為太常梁謂之卿至唐嘗為奉常卿又嘗為司禮卿

中令漢為光祿勳後漢嘗為郎中令魏為光祿勳梁除

為光祿卿衛尉漢嘗為中大夫令至魏謂之宗正漢嘗

宗伯至唐嘗為司宗治粟內史漢改曰大農令又改

卿又嘗為司屬卿大農魏為司農至梁謂之卿後主爵中尉漢以右扶

魏又加大唐嘗改為司稼卿廷尉二漢集北齊為大理梁謂之卿齊代曰典客

漢改為大鴻臚又嘗曰大行至梁除大字謂之卿唐改為同文卿又嘗為司賓卿又為鴻臚卿典屬

國少府亦嘗為尚方監又為少府監將作少府漢

為大匠梁為大匠卿隋為將作大監又改為大匠唐

亦嘗為大匠又嘗為繕工監又嘗為營繕監又為將作監中尉漢武更名中書謁者令僕射至漢嘗以宦

丞監中尉執金吾中書謁者令僕射者為之魏為

中書監令專掌機務隋為內史監令尋改為內史又改為內書又為內史令至唐復為中書令嘗為內相又為

內史又為

詹事

唐嘗改為端尹又嘗改為

中庶子

少子

晉改庶子為左右隋罷中

太子家令

唐嘗改為

率更令

唐嘗改為

僕

唐嘗改為

率內史

理京師

右又置京兆尹

郡守

漢時為太守後魏每部置三太守

佐貳

大中二大夫

唐並為

漢領尚書事

至後漢為

三公曹尚書常侍曹尚書主客公卿事

後漢改為吏曹主選舉又

為選部魏為吏部宋嘗置兩員至唐

中書侍郎

東晉

通事郎隋為內史侍郎又為內師侍郎唐復

御史中

丞後漢曰中尉至唐改治書侍

光祿大夫

優寵者則

設官部

計監頁白卷六

設官沿革

綬至魏晉則又加金章紫綬
齊嘗置左右至隋為散官

中散大夫

王莽置至唐為文散

太皇太后卿長信少府

太后以下卿以至陳自後魏無

皇太后卿

長信少府皇后卿大長秋

隋有令至唐改為內侍

中常侍

唐改為內

常侍都水使者

至宋嘗為水衡令梁曰大舟卿隋嘗為都水監唐嘗改為司津監又嘗為水衡

都尉

驃騎

後漢加大將軍為武散

游擊

唐為武散

衛

車騎

驍

騎

梁置左右

伏波

上騎

材官

輕車

樓船護軍

唐為

勳官

度遼

貳師

蒲類

强弩

戈船

奮威

建

威

積射

二十一將軍

奉車騎駙馬三都尉

駙馬魏晉

後尚主者為之

司隸校尉

督察三輔隋有司隸大夫唐京畿採訪使亦其職

刺史

刺舉郡縣至隋治人

都護

京兆尹

左馮翊

右扶風

特

進唐為文散

諸加官

左右曹諸吏散騎中常侍郎中為之

後漢賊曹尚書

尚書侍郎三十六人

初稱尚書郎中滿歲稱尚書郎三載稱侍郎五歲稱大縣尹魏有尚

書郎晉有郎中隋初置三十六侍郎後置員外郎一人後又六曹各置侍郎每曹有郎有員外郎唐又改曹郎

為郎

祕書監

後又置令唐嘗為蘭臺太史少監為侍郎又嘗為麟臺

武衛

至隋

置左右唐為左右鷹揚衛

輔國

晉加大宋改為輔師唐為武散

四征

四鎮

四安

虎牙

征虜

橫野

鷹揚

討逆

討虜

破虜等將軍

四中郎將

捕虜

都督

至晉時加大

河

南尹

留守班同三司

前文帝以宋昌為衛將軍亞三司未為官也

儀同

三司

魏有開府儀同三司晉有開府儀同三司後魏有儀同三司齊有開府儀同三司又有儀同三司後

周有開府儀同又有上開府儀同大將軍至隋為散官又諸備各置開府一人

八座

魏五

設官部

制監類約卷六十一

設官沿革

書

兵尚書

至後魏有五兵尚書隋曰兵部唐嘗為司戎太常伯或為夏官或為五部又為兵部

度

支尚書

吳有戶部晉以後改為度支至隋為民部唐嘗為度支又為戶部

祠部曹尚

書

至後魏有儀曹尚書後周有禮部隋置禮部尚書唐嘗為司禮太常伯或為春官又為禮部

殿

中監

秩甚卑隋曰殿內監唐嘗為中御府太監

中衛

晉分為左右衛將軍隋改為左右翊衛唐

復為左右

中領軍

尋又改國領軍隋改為左右屯衛唐嘗為左右衛又嘗為左右玉鈴衛又

為左右

鎮軍大冠軍

游騎

四平

鎮北

虎威

撫軍

凌江

寧朔等將軍

行臺

晉三

公尚書掌刑獄

起部尚書

有事即置事畢即省

國子祭酒

唯宋

曰總明觀祭酒唐嘗為大司成又為成均祭酒

中軍龍驤

寧遠

唐為武散

宋

殿中將軍

齊都官尚書

至隋改為刑部唐嘗為司刑太常伯又嘗為秋官又嘗為

憲部又為刑部

梁太府卿

唐嘗為外府卿又嘗為司府卿

雲麾 中武

壯武

明威

定遠

唐並為武散

宇宙等大將軍始以太

常卿等分為四時凡十二卿

後魏柱國

至唐為勳官

天

柱二大將軍

諸少卿

後周軍器

隋左右武侯府

大將軍

唐為金吾衛

左右監門府將軍

唐改府為衛

大總管

通守

佐太守

折衝府

正議

通議

朝議

朝請

朝散等大夫

左右驍衛府

唐除府字

唐太子賓客

漢之四皓

非官

左右千牛衛

左右屯營

後改為羽林

左右威衛

嘗改

左右豹韜衛

左右龍武將軍

平章事

知政事

知機

務 同中書門下三品平章軍國重事

節度使

采

訪使

宣威

武散

懷化

歸德等將軍

並武散以授歸義蕃官

樞密使

樞密之名始於唐代宗寵任宦者故置內樞密使使之掌機密文書如漢之中書謁者令

是也若內中處分則令內樞密使宣付中書門下施行則其權任已侔宰相矣五代置樞密使宋因之

觀察

承宣

防禦

團練

宣徽院

宋遼因之

使相

檢校

熙寧三年曾公亮除守司空檢校太師兼侍中以兩朝定策之功辭相位也宋朝檢校校官共一十九

大學士

參知政事

參知政事掌副宰相毗大政參庶務其除授不宣制不押

班不知印不預奏事不升政事堂殿廷別設專位于宰相及敕尾署銜降宰相一等

都副承旨

五代時有承旨副承旨以諸衛將軍充宋太平興國中

以楊守一充都承旨都承旨自守一始也是時都承旨副承旨多用士人真宗後稍稍遂用吏人歐陽修建言

請復舊制不克行熙寧二年始以東上閣門使李評為樞密都承旨李綬為之副不用

檢詳

檢詳之職古無院吏而更用士人自評始也

宋熙寧四年

詔以編修經武要略官四人王存陳侗陳奉世蘇

液檢詳樞密院諸彦文字禮遇視中書檢正官

修官

編修官古無之慶曆四年史館王洙承旨單士寧編修例冊編修之名自此始

崇政殿

說書

古無此官宋朝仁宗景祐元年正月命賈昌朝趙

祇候初侍講學士孫奭年老乞外因

都副鈐轄

宋初

官及諸司使以上充或一州或一路或兩路三路亦有

無都字者嘉祐詔內臣爲鈐轄都監者遂路止置一員

祖宗時不常置成都大府帥臣第帶兵

兵馬都監

馬鈐轄而兩武臣之爲鈐轄者與鈞禮

馬都監有路分掌本路禁旅屯戍邊防訓練之政令以

肅清所部建炎三年以要鄉守臣帶本路兵馬都監武

臣一員充副都監紹興三年罷守臣兼兵職而副都監

如故州都監則以大

使之事兼在城巡檢資淺者爲監

押或雜用文臣其後止用武臣

院

總知軍國事 知國事 門下省

遼南面設門下

隆時廢
元不設

中書舍人

遼南面中書省設中書舍人院有
中書舍人金元不設明洪武丙辰

始定中書舍人凡二十員正七品先是屬中書省後革
七年改直省舍人從八品九年始定為中書舍人正七

品隸承敕監監
省革改從七品

符寶郎

遼南面符寶司屬門下省其
官有符寶郎金設符寶郎四

員掌御寶及金銀等牌屬殿前都點檢司元世祖至元
初立符寶局後改典瑞監明尚寶司即符璽郎也正七

品後置尚寶
司正五品

大林牙院

遼北面有大林牙院掌文翰
之事南面有翰林院掌天子

文翰之事金元明
俱止有翰林院

大詳穩

遼有大詳穩司與大將軍
并官曰大詳穩曰都監曰

將軍曰小將軍
曰軍校曰隊師

護軍司徒

衛軍司徒

皆大詳
穩所屬 惕

隱司

掌皇太子宮帳之事
官曰皇太子惕隱

登聞鼓院

遼南面有登聞
鼓院官曰登聞

鼓使屬門下省景宗保寧二年始置金元因之明洪
武元年置登聞于午門外日令監察御史一人監之

審計院

掌錢穀出
入之政

轉運司

遼設金元
明因之

金鎮撫彈壓

官 宣宗貞祐元年九月設京
城鎮撫彈壓官置招賢所
鹽鐵 **度支** **勸農** 章

明昌八年十二月初設三司
使掌判鹽鐵度支勸農事
益政院 哀宗正大元年
認設益政院于

內廷置說 **機察官** 天興二年設
書官二人 州四隅機察官
集賢院 金貞祐
五年設

知集賢院從四品
元從之係從五品 **行中書省**
宣宗貞祐二年署行省
于陝西元從之制行中

書省凡十秩從一品掌國庶務
統郡縣鎮邊鄙與都省為表裏
文思署 隸于少
府監官 **綾**

錦院 置于真定平陽太原河間懷州元織造
織染等事皆屬于工部而文思院不設
元中政

院 供奉中宮之 **都護** 元世祖至正十七年置
事古無此官 都護府于畏吾境以脫脫才兒
等領其事秩從二品遼金皆無此官明亦不

設惟世祖幸承天以郭勲為都護大將軍
提刑按

察司 元初立提刑按察司四道曰山東山西道曰
山北東西道曰河東陝西道曰河北河南道
經

略使 遼金不設元至正十八年九月初六日命
使問民疾苦明不專設有兵事則暫救行事
略

設官部 設官沿革

制國用使

元世祖至元三年立遼金無明亦不設諸國用經制悉統于戶兵工三部

長信

寺

古無此官元成宗大德五年置長信寺秩正三品領大幹耳朶怯憐口諸事

長秋寺

古無

此官元文宗皇慶元年立長秋寺秩正三品掌武宗五幹耳朶戶口錢糧營繕諸事

承徽寺

古無

此官元英宗至治二年置承徽寺秩正三品掌荅兒麻失里皇后位下錢糧營繕等事

長寧寺

古無此官元英宗至治三年立長寧寺秩正三品掌速哥八刺皇后位下戶口錢糧營繕等事

寧徽

寺

古無此官元文宗天曆二年立寧徽寺秩正三品隸八不沙皇后位下

長慶寺

古無此官

元泰定帝元年立長慶寺秩正三品掌成宗幹耳朶及常歲管辦禾失房子行幸怯薛台人等衣糧之事

徽政院

古無此官元順帝元統元年依太皇后故事為皇太后置設立官屬三百六十有六人掌謁司

秩正三品

都總裁

元順帝至正三年詔修遼金宋三史以右丞相脫脫為都總裁平章鐵木兒塔

議右丞賀惟一中丞張起巖翰林學士歐陽元侍御史呂思誠翰林侍講學士揭傒斯為總裁官

大

撫軍院

元至元二十七年命皇太子總天下軍馬置大撫軍院從一品

大都督分府

至正十八年立

明中書省

太祖初下建康立十三年惟庸族廣洋賜死即罷中書省散其職于

六部置四輔官

六部尚書

六部侍郎

都察院左右都御

史

左右副都御史

左右僉都御史

監察御史

十三道御史

總督

提督倉場

巡撫

操江

巡

按

巡江

巡視京營

提學

巡倉

巡庫

巡視

光祿

巡青

恤軍

監課

清軍

刷卷

巡鹽

巡河

巡關

巡茶

印馬

屯田

捕盜

皆御史差

府

尹府丞

應天順天兩府

少詹

苑馬寺正卿

少卿

行

太僕正卿

少卿

布政司

明置承宣布政使司國初為行中書省或分中書省

設官部

同監頁

設官沿革

六部尚書往往出爲參知政事參政入爲尚書

左右參政

左右參議

按

察司副使

僉事

鹽運同知

知府

同知

通判

推官

知州

知縣

五軍都督府

留守司

宣

慰司

宣撫司

安撫司

挂印將軍

總兵

副總

兵

參將

遊擊

守備

淵鑑類函卷六十一

淵鑑類函卷六十二

設官部二 三公總載

三公總載一

原杜氏通典日記曰虞夏商有師保有疑丞設四輔及

三公

尚書大傳云古者天子必有四鄰前曰疑後曰丞左曰輔右曰弼天子有問無以對責之疑有志而

不志責之丞可正而不正責之輔可揚而不揚責之弼其爵視卿其祿視大國之君漢官儀曰倉頡作書自

聚者謂之輔背私者謂之公不必備唯其人語使能也
語言也得能則用之無則

已不必備其官小人處其位不如且闕故天子無爵三公無官參職天子

何官之稱天文三台以三公法焉
三台星名台一作能伊尹曰三

公調陰陽九卿通寒暑大夫知人事列士去其私周成

設官部

淵鑑類函卷六十二 三公總載

王作周官曰立太師太傅太保茲惟三公論道經邦燮

理陰陽

師天子所師法傅相天子保保安天子于德義者此惟三公之任佐主論道以經緯國事和

理陰陽

少師少傅少保曰三孤

此三官名曰三孤孤特也言卑于公尊于卿特置此

三貳公弘化寅亮天地弼予一人

副貳三公弘大道化敬信天地之教以輔

我一人則三太周之三公也故不以一職為官名

命公八

尤命則分又三少為孤卿與六卿為九焉

六卿冢宰司徒宗伯

司馬司寇司空也

周禮正義曰按婚義云三公九卿者六卿并三孤而言九其三公以下兼六卿故傳云司

徒公司馬公司空公各兼二卿

按顧命云太保領冢宰畢公領司馬毛公領司空別有芮伯為司徒彤伯為

宗伯衛侯為司寇則周時三公各兼一卿之職與古異

也

舜之於堯伊尹於湯周公召公於周是其任也故

周禮建外朝之法左九棘孤卿大夫位焉羣士在其後

右九棘公侯伯子男位焉羣吏在其後面三槐三公位

焉州長衆庶在其後樹棘以爲位者取其赤心而外刺象以赤心外刺也槐懷也言懷來

人于此欲與之謀也羣吏謂府史也州長鄉遂之官三公一命衮若有加則賜也

不過九命三公八命矣復加一命則服衮龍與王者之服同多于此則賜也非命服也虞夏之制天子春秋九命作伯尊公曰

子有日月星辰而周禮曰諸公之服自衮冕而下如王之制宰言其於海內無不宰統焉或說司馬主天司徒主人

司空主土是爲三公漢初惟有太傅太尉後加置太

師太保大司徒大司空哀帝時議以漢舊無司徒故定三公之號曰大司馬大司徒大

司空史記曰公孫弘以春秋白衣爲天子三公漢初因秦置丞相而弘爲之則丞相爲三公矣王莽

設官部謂蓋負函卷六十二三公總載

居攝置四輔官

初王莽為左輔甄豐為右弼甄邯為右丞後又制以太師太傅國師國傅為四

輔位上公大司馬大司徒大司空為三公

後漢惟有太傅一人謂之上公及

有太尉司徒司空

光武初詔司徒司空二府去大無稱爵

而無師保董卓

太師非漢本制太尉公主天

尉部太常衛尉光祿勳

司徒公主人

部太僕鴻臚廷尉

司空主地

部宗正少府司農

而分部九卿

漢制三公號稱萬石其俸月各三百五十

斛風俗通云三公一歲共食萬石也

蓋多以九卿為之若天地災變則皆

策免自太尉徐防始焉

後漢本制日食星流及大雨雹等災變者唯免太尉自徐防為

太尉凡天地災變三公皆免至魏黃初二年始罷此制

漢制三公不與盜賊若領

兵入見皆交戟又頸而前

使虎賁執刃扶之也魏武為司空破張繡入觀天子亦行

此制汗流霑背自此不復朝覲也

朝臣見三公皆拜天子御座即起在

輿爲下凡拜公天子臨軒六百石以上悉會直事卿贊
拜御史授印綬公三讓然後受至安帝時三府任薄選
舉誅賞一由尚書其災眚變咎則責免公台靈帝臨朝
遣使者就長安拜張溫爲太尉三公在外自溫始也至
獻帝建安十三年乃罷三公官 魏初復置與後漢同

有太傅太尉
司徒司空

然皆無事不與朝政初封司空崔林爲安

陽亭侯三公封列侯自林始也

林字德儒襄松之曰漢
封丞相已爲荀悅所譏

魏封三公
其失同也

黃初二年又分三公戶邑封子弟各一人爲

列侯末年增置太保 晉武帝即位之初以安平王孚

爲太宰鄭沖爲太傅王祥爲太保義陽王子初爲太尉

何曾為司徒荀顛為司空石苞為大司馬陳騫為大將

軍凡八公同時並置唯無丞相焉詩所謂八公同辰攀

雲附翼者也遂以太傅太保為上公論道經邦燮理陰

陽無其人則闕蓋居者甚寡

諸公品第一食俸日五斛太康二年又給絹春百匹

秋二百匹綿二百斤元康元年給菜田十頃田騶十人立夏以後不及田者食俸一年又給虎賁二十人持班

劍給朝車駕駟安車黑耳駕三各一乘

其太尉司徒司空自漢歷魏皆為

三公及晉迄於江左相乘不改

上三公三公前代之制不改

拜皆設小會所以崇宰輔之制也自魏末廢而不行至

晉拜石鑿

字林伯

為左光祿大夫開府領司徒始有詔令

會遂以為常

十六國姚泓僭號受經于博士淳于岐岐病泓親省疾拜于牀下自是公侯見師傅

皆拜

宋皆有八公之官而不言爲八公也 齊時三公

惟有太傅 梁有丞相太宰太傅太保大司馬大將軍

太尉司徒司空開國儀同三司等官諸公及從公開府

者亦置官屬 陳以丞相太宰太傅太保大司馬大將

軍並爲贈官三公之制開黃閣廳事置鴟尾 後魏以

太師太傅太保謂之三師上公也大司馬大將軍謂之

二大太尉司徒司空謂之三公 北齊皆有三師二大

三公之官並置府其府三門當中門黃閣設內屏三師

二大置佐史則同太尉府 後周置六卿之外又改三

師官謂之三公並置三孤以貳之

少師少保而以司徒爲

地官大司馬爲夏官司空爲冬官如姬周之制無復太

尉三師之號宣帝又置四輔官

以大冢宰越王盛爲大前疑蜀國公尉遲迥爲

大右弼申國公李穆爲大左輔隋國公楊堅爲大後丞

隋置三師不主事不置

府寮但與天子坐而論道置太尉司徒司空以爲三公

參議國之大事依北齊置府寮無其人則闕祭祀則太

尉亞獻司徒奉俎司空行婦除其位多曠攝行事尋省

府寮佐置公則坐于尚書都省朝之衆務總歸于臺閣

矣煬帝即位廢三司官 唐復置三師以師範一人儀

刑四海置三公以經邦論道變理陰陽

祭祀則與隋制同

並無

其人則闕天寶以前凡三師官雖有其位而無其人

增五代時多以畀藩鎮及贈官

羅紹成太師韓建司徒馬希範張全義安元信

並太師馮行襲太傅

宋承唐制以太師太傅太保爲三師太尉

司徒司空爲三公爲宰相親王使相加官其特拜者不

預政事赴上于尚書省

凡除授則自司徒遷太尉檢校亦如之

太

尉舊在三師下由唐以來至宋朝加重加以太尉居太

傅之上若宰臣官至僕射致仕者在位久近或已任

司空司徒則拜太尉太傅等官若太師則爲異數自趙

普以開國元勳文彥博以累朝耆德方特拜焉雖太傅

王旦司徒呂夷簡各任宰相二十年止以太尉致仕政

和二年九月詔以太師太傅太保古三公之官今爲三

師古無此稱合依三代爲三公爲真相之任司徒司空
周六卿之官太尉秦主兵之任皆非三公並宜罷之仍
考周制立三孤少師少傅少保亦稱三少爲次相之任
遼北面于越府有大于越無職掌班百僚之上非有
大軍功者不授遼國最尊之官猶南面之有三公也太
祖以遙輦氏于越受禪終遼之世以于越得重名者三
人耶律曷魯屋質仁先謂之三于越南面置三師府太
師太傅太保少師少傅少保又有三公府太尉司徒司
空此皆南面朝官之長公師府有掌印官一人 金三
師太師太傅太保各一員皆正一品師範一人儀刑四

海三公太尉司徒司空各一員皆正一品論道經邦燮
理陰陽 元三公太師太傅太保各一員正一品銀印
以道燮陰陽經理邦國特示尊崇太祖十二年以國王
置太師一員太宗即位建三公其拜罷歲月皆不可考
世祖之世其職常缺而僅置太保一員至成宗武宗而
後三公並建無虛位矣又有所謂大司徒大司空太尉
之屬或置或不置其置者或開府或不開府而東宮嘗
置三師三少蓋亦不恒有也馬祖常上言司徒司空皆
古三公之流人臣名爵無如此極比者聖上踐阼之初
沙汰冗濫尤慎此官近歲屢有閒雜人等如沈宗攝汪

元昌輩亦受司空司徒竊恐天下後世傳爲口實非便
仁宗延祐五年監察御史言比年名爵濫冒太尉司徒
國公接迹於朝昔奉詔裁罷中外莫不忻悅近聞禮部
奉旨鑄太尉司徒司空等印二十有九此輩無功於國
載在史冊貽笑將來請自今闕閱貴重勲業昭著存留
一二餘並革去制曰可 明國初設三公府正一品府
罷而李善長徐達以丞相兼太師太傅常遇春以上公
贈太保三孤無兼領者太祖高皇帝下江左因勝國之
舊爲五等爵以贈勲臣及文武之死綏者其後有王公
侯伯之典而罷子男至公孤絕不以爲贈太宗文皇帝

罷公孤官仁宗洪熙中復設太師太傅太保曰三公少師少傅少保曰三孤侍上左右備顧問咨幾務無定員無專授爲勳戚文武大臣兼官加官贈官文官惟贈得三公時置公孤官以居英國公張輔尚書蹇義等於是加贈姚廣孝胡廣得少師馬京少傅墨麟得少保文臣之贈三孤自廣孝等始宣宗宣德中寵夏原吉其卒也欲爵之而不果故特崇以太師而蹇義因之文臣之贈三公自原吉始嗣黔公沐斌之薨欲王之則無功欲毋贈則不容已故特優以太師勳臣之贈三公自黔公斌始周太保尚文之卒岳都督懋之戰歿宜伯而靳之一

崇以太傅一崇以少師武弁之贈公孤自尚文懋始少
詹鄒濟贊善王汝玉爲仁廟舊宮臣故即位而贈太子
少保賓客文臣之得贈東宮大僚自濟汝玉始王一寧
侍郎也以閣臣而得太子太師三品之躡得三太自一
寧始

三公總載二

原韋昭辨釋云公貢也才德兼於人人咸貢薦於王而
用之也辨云公猶取正直無私也故曰公字從八八音
背么古之私字背禮記曰益春之月天子率三公九

私則爲公者也

卿諸侯大夫躬耕帝藉

鄭元曰帝藉天子藉

田千畝以供上帝之粢盛

天子

三推公五推卿諸侯九推

推未發土

三公九卿皆御

御進也

公羊傳云三公者何天子之相也

春秋孔演圖曰諸

侯爲外蕃三公爲中輔

春秋元命苞曰魁下六星兩

兩而比曰三台主閭德宣符德立題

宋均曰皆并文昌三台也立題題自

帝之德行主其職矣

能之爲言耐也天官器人各以其材因而任

之則分職治其象以見符

能今之台字也耐今之能字也

春秋漢舍

孳曰三公象五岳九卿法河海

孝經援神契曰五岳

視三公四瀆視諸侯

韓詩外傳曰三公者何曰司空

司徒司馬司馬主天司空主地司徒主人故陰陽不調

星辰失度責之司馬山陵崩絕川谷不流責之司空五

穀不殖草木不茂責之司徒 許慎五經異義曰今尚

書夏侯歐陽說天子三公一曰司徒二曰司馬三曰司空九卿二十七大夫八十一元士凡百二十在天爲山川古周禮說天子立三公曰太師太傅太保無官屬與王同職故曰坐而論道謂之三公又立三少以爲之副曰少師少傅少保是爲三孤冢宰司徒宗伯司馬司寇司空是爲六卿之屬大夫士庶人在官者凡萬二千石周公太公無爲司徒司空文知師保傅三公官名也五帝三王不同物此周之制也 又曰王者已有州伯所以復設二伯何欲使紬職也三歲一閏天道小備故二

伯紕職也何以爲二伯乎曰以三公在外稱伯東西分爲二所以稱伯何欲抑之也三公臣之最尊者也又以王命行天下爲其威故抑之明有所屈伯也 皇甫謐帝王世紀曰三公者知通乎天道應變無窮辨于萬物之情者也其言足以調陰陽四時而節風雨如是舉以爲三公之事 應劭漢官儀曰今太尉司徒下書州郡事文皆稱公 漢禮儀曰天子稱尊號曰皇帝者曰制稱制言曰詔稱民有言有詞曰陛下今皆施行詩云肅肅王命仲山甫將之邦國若否仲山甫明之詔令之義三公三人以承君蓋由鼎有足故易曰鼎象也 徐廣

衣服儀制云三公安車駕三特進駕二 又曰太康七年詔依舊三公既拜爲之小會 **曾**六典曰三師訓導

之官也蓋天子所法師大抵無所統職然非道德崇重則不居其位無其人則闕之 **陶氏**職官要錄曰三台

擬三公黃帝以風后配上台天老配中台五聖配下台

原河圖祿運法曰舜以大尉受號爲天子五年二月

東巡狩至於中州與三公諸侯臨觀黃龍五采負圖出

置舜前也 **環濟要略**云三公者謂太師太傅太保也

師王所尊也傅助王事保安也保王身也凡此皆內與

王論道中參六官之事殷時有阿衡伊摯佐之太甲改

為保衡皆三公官也有三少少師少傅少保是為三孤

副助三公者也孤者不掌官桀然孤特應劭漢官儀

云武王克殷作周官立太師太傅太保為三公舊說以

徒司空為三公周以司馬司徒司空司寇太師在太傅

上太保次太傅無不總統秦漢之際並無其官至高后

唯置太傅漢末以大司馬大司徒大司空為三公立師

傅保之官位在三公上崇號為上公東漢以後皆以太

尉司徒司空為三公太尉與大司馬恒不兩置歷代師

傅保常曰上公後魏書官氏志云後魏尊師傅保為三

師五代史百官志云北齊因後魏亦曰三師後周依周

設官部
三公總載

禮又以師傅保爲三公隋初又爲三師煬帝廢之自漢魏以來皆開府置寮屬至隋省寮屬漢書曰鄒陽上

書曰於陵仲子辭三公爲人灌園又曰丞相孔光初

爲御史大夫時董賢父恭爲御史事光及賢爲大司馬

與光並爲三公上故令賢私過光光雅恭謹知上欲尊

寵賢及聞賢當來也光警戒衣冠出門待望見賢車却

入賢至中門光入閤旣下車乃出拜謁送迎甚謹不敢

以賓客鈞敵之禮賢歸上聞之喜立拜光兩兄子爲謀

議大夫常侍 **增**漢書曰王尊劾奏丞相匡衡御史大

夫張譚位三公典五常九德以總方略壹統類廣教化

美風俗爲職知石顯等專擅權勢不時白奏無大臣輔
政之義又曰成帝時何武爲九卿建言古者民樸事
約國之輔佐必得賢聖然猶則天三光備三公官各有
分職宜建三公官定卿大夫之任分職授政以考功效
又曰蕭望之奏三公非其人則三光爲之不明今首
歲日月少光咎在臣等

原

又曰新都侯王莽爲大司

馬秉政權彭宣上書言三公鼎足承君一足不任則覆
亂美實臣資性淺薄年齒老眊數伏疾病昏亂遺忘願
上大司空長平侯印綬乞骸骨歸鄉里竢填溝壑 謝
承後漢書曰鄭弘爲淮陰太守行春兩白鹿隨車夾轂

而行弘怪問主簿黃國鹿爲吉凶拜賀曰聞三公車轡
畫作鹿明府當爲宰相後弘果爲太尉 又曰靈帝欲
以羊續爲太尉時拜三公者皆輸東園禮錢千萬令中
使督之名爲左騶其所之往輒迎致禮敬厚加贈賂續
乃坐使人於單席舉緼袍以示之曰所資惟斯而已故
不登三公位而徵爲太常卿 又曰胡廣在台輔三十
餘年經事六帝禮任甚優每遜位辭疾及免退田里未
嘗滿歲輒復升進凡一履司徒三登太尉及爲太傅其
辟命皆天下名士與故吏陳蕃李咸並爲三司蕃等每
朝會輒稱疾避廣時人榮之 又曰黃憲同郡陳蕃爲

三公臨朝而歎曰叔度若在不敢先佩印綬矣 又曰
陳謙字伯謙爲御史中丞同郡宣豐時爲衛尉司徒位
缺尚書欲案以補之咨問于謙謙正坐不荅豐亦因士
大夫謂謙曰位不可妄假人三司位重上和陰陽下訓
五品豈可得處宣豐何人而欲居稷卨之官傳語者媿
而退 **權** 又曰元始中賜馬宮策曰入稱四輔出備三
公四輔之職爲國維綱三公之任鼎足承君不有鮮明
固守無以居位 又曰舊制州牧奏二千石長吏不任
位者事皆先下三公光武時用明察不復委任三府而
權歸刺舉之吏朱浮上疏曰即位以來不用舊典信舉

刺之官黜鼎輔之任

司馬彪續漢書曰楊彪字文

光博覽衆書有恭孝稱至司徒太尉見漢祚將終自以累世三公恥復爲魏臣乃稱脚攣不復行魏文即位賜杖几延請之又使著鹿皮冠拜光祿大夫秩中二千石朝見位次三公後漢書曰虞詡薦龐參有宰相器能

順帝時以爲太尉錄尚書事是時三公之中參名忠直數爲左右所陷毀以所舉用忤帝旨司馬彪九州春

秋曰崔烈廷尉卿靈帝時開鴻都門榜賣官爵烈時入錢五百萬得爲司徒及拜日天子臨軒百寮畢會帝顧謂倖者曰恨不小靳可至千萬程夫人於傍應曰崔公

冀州名士豈肯買官賴我得是反不知姝邪

注曰姝美也言反不

知斯事之美也或作株根本也

烈問其子鈞曰吾居三公于議者何如

鈞曰大人少有英稱歷位卿守論者不謂當爲三公而今登其位天下失望烈曰何爲然也鈞曰論者嫌其銅臭耳烈怒舉杖擊之鈞走烈罵曰死卒父搃而走孝乎鈞曰舜之事父小杖則受大杖則走非不孝也烈慙而止

增

仲長統昌言法誠篇云光武矯枉過直政不任

下雖置三公事歸臺閣自此以來三公之職備員而已

政有不理猶加譴責策免又中世之選三公也務於清慤謹慎循常習故者是婦女之檢行鄉曲之常人耳惡

足以居斯位耶執旣如彼選又於此而欲望三公勲立於國家績加於生民不亦遠乎

原

魏志曰高柔字文

惠爲廷尉魏初三公無事又希與朝政柔上疏曰天地以四時成功元首以輔弼興治成湯仗阿衡之佐文武憑旦望之力逮至漢初蕭曹之儔並以元勲代作心膂此皆明王聖主任臣於上賢相良輔股肱於下也今公輔之臣各偃息養高鮮有進納誠非朝廷崇用大臣之義大臣獻可替否之謂古者刑政有疑輒議於槐棘之下自今之後朝有疑議及刑獄大事宜數以咨訪三公三公朝朔望之日又有特延入講論得失博盡事情庶

有裨起天聽弘益大化帝嘉納焉 又曰文帝即王位

鍾繇復爲大理及踐阼遷太尉轉封平陽鄉侯時司徒
華歆司空王朗並先世名臣文帝罷朝謂左右曰此三
公者乃一代之偉人也後世殆難繼矣 **增**又曰崔琰

從弟林少無名望雖姻族猶多輕之而琰常曰此所謂
大器晚成者也終必遠至涿郡孫禮盧毓始入軍府琰
又名之曰孫疏亮亢烈剛簡能斷盧清警明理百鍊不
消皆公才後林禮毓咸至鼎輔 **原**蜀志蔣琬字公琰

夜夢有一牛頭在門左流血滂沱意甚惡之呼問占夢
趙直直曰夫見血者事分明也牛角及鼻公字之象君

位必當至公大吉之徵也

晉書曰庾嶷弟純字謀甫

門宗最知名博學有才義爲世儒宗早有公望

晉八

王故事曰太康七年正旦日蝕詔公卿大臣各上封事
其咎安在汝南王亮與司徒舒司空瓘上言三司之任
天地人也乾道不普故水旱爲災人倫失序故兇奸不
禁乃者荊州之域妖災仍興任城國都水流變赤延三
朝之始日有蝕之孟陽節過堅冰未消臣等瑣才叨優
高位可謂小人而乘君子之器宜就顯戮以荅天意謹
免冠徒跣上所假章綬詔曰夫陰陽失序朕干天道政
刑失中之所致也其使冠履勿復道 吳鈞齊春秋曰

柳世隆字彥緒太尉元景弟子也器望清華音吐雅潤
宋孝武聞而奇之後爲虎威將軍上庸太守孝武謂元
景曰卿昔以此職遂至公輔今復以加世隆令卿門三
台不絕也

增

唐張延賞奏故事冊拜三公中書令讀

冊侍中奉禮如闕即以宰相攝之 宋王旦沈黙好學
父祐深器之曰此兒異日必爲三公輔臣因手植三槐
於庭以爲識已而果然 宋真宗天禧元年司徒平章
事王旦彭王元儼同日除制加太保三公竝除雙員

三公總裁三

原三足

六符

環濟要略曰三公者象鼎三足共承其上也 漢書曰六符孟康注曰泰階三

設官部

開監類函卷六十一

三公總裁

五

台也始三星凡六星也六符星之符驗也應劭云黃帝六符經泰階天之三階

黃閣 綠綬

沈約宋書云三公黃閣前史無其義臣按禮記云士鞞與天子同公侯大夫即異鄭元注云三公之與天子禮

數相亞故黃其閣以示謙不敢斥天子宜是漢未制也 晉官品令曰三公綠綬綬也綬音戾 四輔

三公書曰誕保文武受民亂為四輔注云大保文武

公 贈刀 懸樂 虞以贈別駕王祥曰苟非其人刀必

為害以子有台輔之量故相贈後祥果為太傅晉志成帝臨軒遣使拜太傅太尉司空儀注太樂宿懸于殿

庭下有司奏非祭祀宴享則無設樂之制太常蔡謨言凡敬其事則禮備禮備則有樂 官正

德成 禮記君子曰德成而教尊教尊 法三光 象五

岳 韓非子曰背私曰三公象鼎足 理陰陽 節風

雨 傅子曰三公者佐天子理陰陽 劉向 王祥不拜

何曾盡禮

晉書王祥荀顛往謁晉王祥曰三公與王相去一階班列大同安有天子三公輒拜

者損魏朝之望虧晉王之德及至顛遂拜而祥獨長揖而已曾字穎考與高柔鄭冲同為三公謁晉王曾拜

盡禮二人

增經邦

平國

周書茲惟三公論道經邦變理陰陽官不必備惟其

人唐百官志三公佐天子

具瞻

參聽

詩小雅維

平邦國理陰陽無所不統天子曰三公具瞻所歸不可用非

赫師尹民具爾瞻晉荀勗曰三公具瞻所歸不可用非

備員

奉職

東漢光武雖

於王王三公然後制刑

臺閣三公之職備員而已章帝永平六年王雒山出

寶鼎詔曰易曰鼎象三公豈公卿奉職得理耶其賜三

帛飾詐

糾非

漢汲黯曰公孫弘位三公俸祿甚多

之夫以三公為布被誠飾詐以釣名東漢章帝詔春

大儒

元老

荀子儒效篇大儒者天子三公也又君

設官部

謝靈運

卷六十一

三公總載

祥拜太保制曰耆艾元老高行

落水

平世南史宋司徒褚

淵因送湖州刺史王僧虔閣道壞墜水僕射王儉驚跳

下車謝超宗恃才使氣多凌忽撫掌大笑曰落水三公

墮車僕射淵出水露濕狼藉超宗先在僧虔舫中大聲

曰有天道焉有地道焉天所不容地所不受投畀河伯

河伯不受淵大怒曰寒士不遜超宗曰我不賣袁劉得

富貴焉能免寒士蔡廓字子度宋武帝以其正直補

御史中丞多所糾正帝嘗夢松植槐吳嗣主傳注

云蔡廓可為平世三公也後十八歲責吏事舉

腹上謂人曰松字十八公也後十八歲責吏事舉

謠言

漢光武方以吏事責三公故功臣不用注云太尉

掌水土營城邑浚溝洫修墳坊事此所謂吏事責三公

也東漢蔡邕上疏五年制書令三公舉謠言是時奉

公者欣然得志又漢官儀三公聽察長吏衮衣繡裳

金章紫綬

詩幽風我觀之子衮衣繡裳注云王迎周

衮衣繡裳

品第一金章紫綬進賢三梁冠絳朝服又春官宗伯以
玉作六瑞以等邦國王執鎮圭公執桓圭侯執信圭伯
執躬圭子執穀璧男執蒲璧按圭制下方上圓取象天
地內有孔謂之好好有玉謂之肉肉倍好為璧好倍肉
為環

王者下輿

中書讀策

東漢安帝朝陳忠上疏曰三公稱曰冢宰王者改容

而禮在輿為下御坐為起入則參對而議

道問喘牛

門施行馬

漢丙吉出逢羣鬪者死傷橫道吉過之不一

幾里矣掾吏謂前後失問吉曰民鬪傷京兆尹職管禁

捕宰相不親小事非當于道路問也方春牛喘此時氣

節恐有所傷三公典調陰陽職當憂是以問之掾吏乃

服以吉為知大體漢魏三公門施行馬注云禮掌舍

設樅桓杜子春云樅桓行馬也所以斷人出入桓者交
互其木以為遮闌也魏以楊彪為光祿大夫又令門施
行馬以
優崇之
楊震四世
趙熹三葉
漢弘農楊寶生震震
四世為三公又素宏至紹四世五公東觀漢記詔曰
行太尉事趙熹三葉在位為國元老其以熹為太傅熹
設官部

時年八十繼母

秩稱萬石

府有三門

百官表漢制三公號稱萬

石又六典注梁制十八班班尊者為貴上公班第十八

秩萬石隋百官志三公府三門當中開黃閣設內屏

職官分紀陳舊制三公黃閣廳事置鴟尾後主時蕭摩訶以功授侍中驃騎大將軍特詔摩訶開閣門施行馬

廳事寢堂

父子同居

兄弟並登

晉司馬望安平王孚之長子咸熙中

並置鴟尾位司徒入晉封義陽王遷太傅兼大司馬時孚已為太宰父子同居上公位百代以來未之有也三十國春

秋卞粹以清辨聞于時兄弟

鍾繇膝疾

陶侃手文

魏志太傅鍾繇有膝疾拜起不便每朝見使載車輿虎賁昇上殿就坐是後三公有疾遂為故事異苑晉陶

侃左手有文直達中指至橫文上節便絕占者以為此文若通位無極侃以鍼挑令徹血流彈躡上仍作公字

以紙裛之

聞車馬聲

備金石樂

晉魏舒未達時詣野王止宿主人妻

夜產俄而聞車馬之聲相問寢者誰曰魏公舒自知當為公矣其後果為司徒下詳上懸樂

三公總載四

原黑頭

晉書諸葛恢為臨沂令名亞王導庾亮謂曰明府當作黑頭三公指司空冠曰後著此冠也

折臂

晉書人相羊祐先人墓當有受命者祐掘斷地勢相者曰猶當出折臂二公俄而祐墜馬折臂

位至三公

神化丹青

公以明理故公卿者四海之表儀神

化之丹青也

父子上公

晉書司馬孚為太宰其長子為司徒父子居上公自中代未之有也

司分鼎足

位列台階

雀環

續齊諧記弘農楊寶者嘗見一黃雀

墜樹下為螻蟻所困寶憇之食以黃花百餘日毛羽成放之後寶讀書有黃衣童子向寶再拜曰我王母侍臣為鴟鵂所搏賴君拯救今當使南海不得復往以白環四枚與寶曰令公子孫潔白登三公辭去遂絕寶生震生秉秉生賜賜 **改容而禮** 漢書賈誼傳昔者成王生彪四世為三公 **之德義師者道之教訓此三公之職也又云三公之貴**

設官部

淵監類函卷六十一

三公總載

皆天子之所改容而禮貌之者也

議國大事

隋百官志三公參議

食不兼味

分紀長孫道生拜司空加侍中性忠厚廉謹身為三司而衣不華飾食不兼味一熊皮障

泥十年不易時

肉脫粟飯

荀悅漢紀荀爽為三公食不過一肉脫粟飯

位貌隆重

文彥博凝簡莊重有大臣體位將相者五十餘年編歷公孤兩以太師致仕雖位貌隆重

而平居接物謙抑尊德樂義如恐不及邵雍程顥程頤

以道學名于世而彥博與之遊元豐中與富弼等十一

人為洛社

東坡上文潞公書云太尉執事承以元功正位兵府備物典冊

者英會

廟坐見庶僚

判河南彥博至河南未交印先就

三公

第廟坐以見監司既交府事見監司府官如常式或以

問彥博彥博曰吾未視府事三公見庶僚也既交印河

南尹見監司矣六年

我不獨拜公世說王丞相既拜

請老拜太師致仕

非勛德者不居

隋百官志後齊置官太師若過江我

不獨拜公

太傅太保是為三師古之

三公非勛德
崇者不居

見者不知爲三公

晉王戎傳雖位總鼎司而委事察案間乘

小馬從便門而出遊見者不知其爲三公也

三公總裁五

增表梁沈約爲柳世隆讓封公表曰臣聞懸旌玉塞貳師尚黜其功代鼓炎州伏波猶懼其賞徒以兼委之施或難固辭抽心之情必無雙奪是故俛容青閣願還慈于裂壤竊步丹墀希收寵于開賦昔竄命窮雉難迫勢孤枕版未難負戶非切及顧溫清之館懼結尊慈之懷累葉喁喁舉門惴惴臣事逼君親理非外獎實賴朝謨謹肅宰略遐震奔鯨外勦臣何力焉幸得扶老攜幼重

出幽堵還軸歸驂再踐鄉路豈可資國眚以邀其功因
衆功而饗其報遂使甘霜受電之心有同于飾請皎日
大河之志匪殊于貌謁 任昉爲齊明帝讓宣城郡公
第一表曰臣本庸才智力淺短太祖高皇帝篤猶子之
愛降家人之慈世祖武皇帝情等布衣寄深同氣武皇
大漸實奉話言雖自見之明庸近所蔽愚夫一至偏識
量已實不忍自固于綴衣之辰拒違于玉几之側遂荷
顧託導揚末命雖嗣君棄常獲罪宣德王室不造職臣
之由何者親則東牟任惟博陸徒懷子孟社稷之對何
救昌邑爭臣之譏四海之議于何逃責且陵土未乾訓

誓在耳家國之事一至于斯非臣之尤誰任其咎將何
以肅拜高寢虔奉武園悼心失圖泣血待旦寧容復徼
榮於家恥晏安于國危驃騎上將之元勛神州儀刑之
列岳尚書古稱司會中書實管王言且虛飾寵章委成
禦侮臣知不愜物誰謂宜但命輕鴻毛責重山岳存歿
同歸毀譽一貫辭一官不減身累增一職已黷朝經便
當自同體國不爲飾讓至于功均一匡賞同千室光宅
近甸奄有全邦隕越爲期不敢聞命亦願曲留降鑿即
垂聽許鉅平之懇誠彌固永昌之丹慊獲申乃知君臣
之道綽有餘裕苟曰易昭敢守難奪故可庶心弘議酌

已親物者矣不勝荷懼屏營之至

增制唐封郭元振爲代國公制曰門下大臣立事夷險
不易良相升朝安危所繫兵部尚書同中書門下三品
郭元振偉才生代宏量匡時經綸文武今之王佐出入
將相古之人傑夙侍帷幄疇咨廟堂思致堯舜以期管
樂朕往在儲闈洎登寶位每觀其聞義感激願別忠邪
立誠慷慨密陳弘益爾其至矣朕竇嘉之頃者臯獍興
謀干戈作釁太上皇命朕討除元振又馳奉宸極始則
賚予爲弼終則寧朕問安可謂格于皇天貫于白日元
惡旣翦品物維新昌言是圖朕豈忘舊宜開井邑永誓

山河可封代國公食實封四百戶

增銘唐張說梁國公姚崇神道碑銘曰源深自虞派別
從吳避地魯陝居家洛都神明遠契岳瀆冥符翊聖斯
偶生賢不孤仁將勇濟孝與忠俱學刃攢植文鋒迅驅
纔安卑位即騁長途惟實惟有若虛若無再三軍國一
二訏謨戎柄尤重王綸最樞兼司任切久政榮殊黼藻
彌煥丹青靡渝以寬容物以鑒分區外或形放中恒禮
拘箴雖誠口諍亦忘軀但覩渾璞誰詳瑾瑜伊咎尺寸
管樂錙銖名遂身正言誠願字方辭漢祿更辱齊租既
積而散窮歡盡娛川歸東極日去西晡上惻旒宸旁悲

路衢藍田美玉荔浦明珠載廣休慶爰弘典謨豐碑乃
立盛業其鋪帝念頻軫仙毫特紆鐫金刻石鳳篆龍圖
七曜光動三泉澤濡銓能欽事理鬱詞敷求舊銘實慙
殫慙蕪緬思雲霧尚想江湖有道之德其何以踰延陵
之墓空此嗚呼存歿終始遐哉邈乎 元載冀國公贈
太尉襄冕碑銘曰元精降靈建乎人極邈矣冀公順帝
之式鴻造覆育大鈞埏埴業濟功成保和居直帝念髦
碩二登輔翼爲時養賢以及萬國昔在上帝降命元老
以仗愷元以明至道唐歷中否亦命我公順人載天戡
黎伐共德謝星隕仁沈海竭大厦梁崩崇山玉折領袖

前古綱緯來轍憧憧豐碑耿耿鴻烈永傳億祀遺芳不
滅

淵鑑類函卷六十二

卷六十二

前

淵鑑類函卷六十三

設官部三

太師
三少
總載

太保

太師一

原太師古官殷紂時箕子爲之 武王克殷作周官立

太師以太公爲之成王時周公並爲太師周公薨畢公

代之

賈誼曰天子不喻於前聖之德不知君民之道不見禮義之正詩書無宗學業不法太師之責也古

者齊太公爲之

秦及漢初並無至平帝元始元年初置以孔

光爲太傅遷太師又以馬宮爲太師金印紫綬位在太

傅上太保次太傅

孔光爲太師王莽爲太傅光嘗稱疾不敢與莽並太后詔令太師無朝賜

靈壽杖黃門令爲太師省中坐置几太師入省中坐用杖賜食十七物十七物者公具十七種物也靈壽木名

設官部

淵鑑類函卷六十三 太師

也漢東京又廢獻帝初董卓爲太師卓誅又廢魏世

不置晉初置三上公以景帝諱師故置太宰以代太

師之名

晉書曰惠帝太安元年以齊王

周爲大師當時撰述者之誤也

秩增三司蜀李

號時范長生自西山乘素輿詣成都

後魏北齊後周

隋唐皆有之

天寶以前唯以其官贈仲尼及長孫禎

武彘竇毅韋元貞張說襄光庭而已

增五代以畀藩鎮及贈官

見三公總序

宋自祖宗時太師

未嘗並除紹聖初始有文彥博吳榮王顥宣和中蔡京

童貫鄭紳靖康初燕王俛越王偲紹興初秦檜張俊紹

熙末史浩嗣秀王伯圭建隆至紹熙宰臣生拜太師者

五趙普文彥博蔡京秦檜史浩惟蔡秦二人以相臣特

拜其他皆還政加恩云親王生拜太師者五人楚王元
佐燕王元儼吳王顥燕王倬趙王德皆以父兄行而得
之紹熙中嗣秀王伯圭以宗室特拜太師蓋王於光宗
爲親伯父用優禮也 遼金元明俱詳總序

太師二

增逸禮曰太公爲太師周公爲太傅召公爲太保史記
曰周文王得呂尚於磻谿以爲師謂之太公武王嗣位
號師尚父成王即政尊爲太師 漢書音義曰師訓也
應劭漢官儀曰孝平皇帝元始元年太后詔曰太師光
今年老有疾俊又大臣惟國之重書曰無遺老成國之

將興尊師重傅其令太師無朝十日一賜餐賜以靈壽杖黃門令爲太師於省中施坐置几太師入省用杖焉
續漢書曰趙典篤學博聞宜備國師即太師也 獻

帝春秋曰董卓自號太師御史中丞以下皆拜皇甫嵩與卓爭權後嵩爲中丞見卓拜卓曰可以服未嵩曰安知明公乃至於是卓曰鴻鵠固有遠志但燕雀不知耳嵩曰昔與明公俱爲鴻鵠但公今日變爲鳳皇卓笑曰卿卑服何得不拜 晉書載記曰蜀李壽以安車束帛聘龔壯爲太師壯固辭特聽縞巾素帶居師友之位
隋書曰高祖受禪李穆來朝高祖降坐禮之拜太師贊

拜不名賜食成安縣三千戶於是穆子孫雖在襁褓拜儀同其一門執象笏者百餘人貴盛當時無比 唐書顏真卿傳德宗立拜太師正色立朝剛而有禮晚節偃蹇為姦臣所擠毅然之氣折而不沮可謂忠矣 唐書

裴度拜太師平章事事四朝以全德始終及歿天下莫不悲其風烈 五代史曰馮道為太師以舊德自處然當世之士無賢愚皆仰道為元老而喜為之稱譽 東都事略曰文彥博召赴闕司馬公言若令以正太師平章軍國重事亦足以尊老成矣遂詔一月兩赴經筵六日一入朝至都堂商量事

太師三

原尊師

問道

漢詔國之將興尊師重傅大戴禮帝入太學承師問道

布衣

青蓋

張良世家封萬戶侯為帝王師布衣足矣書董卓為太師乘青蓋車三公御史大夫以下皆

後漢

拜

經邦事

秉國均

尚書曰立太師太傅太保孔安國注云師天子所法也佐王論

道以經緯國事有德乃堪之氏秉國之均四方是維天子是

詩曰尹氏大師維周之

輔也言尹氏居太師之官持國政之平維制四方

毘天子

備國師

上詳秉國均注

太師二

變陰陽

經禮樂

上詳三公總裁大戴禮曰天子不喻於先聖王之

德不知軍國畜民之道不見禮樂之正不察應事之理

不博古今之典傳不聞於威儀之數詩書禮樂無經學

業不法凡是其屬太師之任也

訓帝躬

持國政

應劭漢官儀曰平帝元始元年孔光

以太師見授太后曰太師先聖人之後德行醇淑道術通明宜居四輔職訓導帝躬下詳秉國均注

得於磻谿

賜以靈壽

史記周文王得呂尚於磻谿以

師尚父成王即政尊為太師詩云惟

師尚父時惟鷹揚

獨班

優禮

會要元祐元年四月詔守太師致仕文彥博赴闕獨班

起居減拜肩輿至下馬處子弟一人扶掖出入儀制依

見任宰臣

並除

特拜朝野雜記曰故事太師

文潞公彥博吳棨王顯宣和中蔡魯公京童貫鄭平樂

王紳靖康初燕王俛越王偲紹興中秦申王檜張魯王

隆至紹熙宰臣生拜大師者五趙普文彥博蔡京秦檜

鞍馬

銅羊

淳化二年遣

拜其他皆還政如恩云

右正言張康

齋太師趙普生辰器幣鞍馬就西京賜之故事非同平

事略趙普上章告老拜太師封魏國給宰相俸仍遣其

弟齋詔賜之又遣使以璽書賜普曰朕以居守之重慮

煩者耄維師之命用表尊賢仍賜銅羊上

尊酒禮太師其愛精神以副春注之意

名聞華夷

東坡文太師口宣

職守三公

儀刑四海

宋百官志

守三公之職太師居上

分紀唐置太師以師範一人儀刑四海

太師四

原周公

尚書召公為保周公為師相成王為左右

張禹

前漢以論語教授成帝

教

事喻德

禮記師也者教之以事而喻諸德也

天遺汝師

六韜文王卜畷史卜卦曰非熊

非羶天遺汝師

民具爾瞻

詩赫赫師尹

蔚為帝師

文選

出則有

師禮

冠三公之首

為四逸之儀

當至聖之朝

居太師之任

周寵元勳任先呂尚

漢崇碩德選在

孔光

增父師

書畢命王若曰父師今予祇命公以周公之事

師臣

晉書軒轅聖人

仗師臣而授

維師

李德裕行喪度贈太師制寵既極于維師

師台

楊大年德茂師台

優拜非常例

分紀西京留守太保趙普爲太師西京養疾以普開國元臣故優拜之非常例

特拜用優禮

詳前太師一

太師五

增

銘唐權德輿太師忠武公渾瑊銘曰北載斗極陰方

尚武元金朱轡錫命都府太師間代感會雲雨四征庇

人九合尊主昔未成童則能肆勤卓行深入致果忘身

弱冠摧鋒環列南軍中興之後書社策勲援枹兩河轉

戰三秦靈朔郇邠所居必聞出統蕃衛入司徼循時丁

阨難節冠羣倫逋誅煽結狂穢宮闕西平鞠旅公亦授

鉞旣臨延秋如火烈烈休士退舍時惟不伐浸沴乖方

設官部

計監類函卷六十二

太師

五

蒲津未通北平釋位公實撫封胥命長春克成厥功開
辟勞軍靡有不公以律則臧在和而克時惟太師有嚴
有翼乃敷仁澤乃布條職時惟太師有功有德三公二
府是獎是陟綬印易名以尊以飾材官介士鹵簿悽惻
大隧解原終南之北萬邦作憲永代是式追琢馨香與
唐無極 又權德輿贈太師崔倕神道碑銘曰奕奕四
姓崔爲之冠瞻其門牆倬若雲漢善積家肥子孫多才
如彼懷棟必生徂徠太公之後彌二千祀炯如貫珠焯
見圖史顯允太師丕承德基構于其堂亦旣暨茨生逢
艱虞戎夏交師獻俘伐叛忠存乎詞兵興事叢飛輓四

馳歷踐劇職視屯如夷乃主平糴乃分行使治粟爲邦
其道一致蒲實近地鹽爲利泓使車來思剗弊立程吏
廉商通歲倍其贏奏課連最德音褒明就加執法好爵
兼榮天賦之才不與壽并生樹德本歿揚淑聲上聞軫
懷侑樂爲停贈禭之禮侷於公卿萬石貽訓根於孝友
太丘種德乃稔身後家有令子妻爲壽母二十餘年人
倫之首六子來侍如龍如虎衆婦來饋維筐及筥佩玉
鳴環交饗庭戶申申秩秩歡不踰矩昔爲甲族今爲興
門天爵人爵蔚然而尊先德蔭之默如重雲孕和含粹
濯潤本根景毫之源圖書之川陽陵帝壇磅礴廻環世

安其神世嗣其賢聆德風者拜於碑前

太傅一

原太傅古官周成王時畢公爲太傅 漢高后元年初

置太傅金印紫綬初用王陵後省八年復置後省哀帝元壽二年復置位在三公上平帝以孔光爲之 後漢

有太傅上公一人掌以善道無常職光武以卓茂爲之

薨省明帝又以鄧禹爲之 鄧禹字仲華以元功拜太傅進見東向 章帝以趙憙三

世在位爲國元老乃以爲太傅 和帝即位幼弱以鄧

慮有高名海內歸仁徵爲太傅百官總已以聽之恩寵 其後每帝初即位輒置太傅錄尚書事薨則省

之異莫與爲比 胡廣注曰猶古冢宰聽已之義 桓帝踐阼已加元服不復置傅但令太

尉胡廣司徒趙戒領尚書事至靈帝復以陳蕃為太傅

與廣參錄尚書事

陳蕃志欲艾夷闡豎以清本朝世亂讓勝用頌厥身胡廣代之拱默而已

魏初置太傅以鍾繇為之

鍾繇字元常遷太傅有疾時華歆亦以高年病朝見

皆使乘輿上殿就坐是後三公有疾遂以為故事

晉宋金章紫綬進賢三梁

冠介幘絳朝服佩山元玉

梁後魏北齊後周及唐皆

有 **增** 宋遼金元明見總序

太傅二

原 大戴禮曰傅之德義 又曰天子不惠于庶民不信

于諸侯不戒于戎事不誠于賞罰凡是之屬太傅之任

也 **增** 漢書音義曰傅覆也

原 賈誼書曰昔文王使

太公望傅太子發嗜鮑魚而公不與文王曰發嗜鮑魚何爲不與太公曰禮鮑魚不登于俎豈有非禮而可以養太子哉 齊職儀曰太傅品秩冠服同太宰成王即位周公爲太傅遷太師秦無其職 **增**漢書曰王莽權

日甚孔光憂懼不知所出上書乞骸骨莽白太后云帝幼小宜師傅領宿衛明年徙爲太師莽爲太傅光嘗稱疾不敢與莽並 **原**應劭漢官儀曰世祖中興特遣使

者備禮徵卓茂策曰前密令卓茂束身自修執節淳固誠能爲人所不能爲名冠天下當受天下重賞故武王誅紂封比干之墓表商容之閭今以卓茂爲太傅封宣

德侯

增

東觀漢記曰胡廣爲太傅總錄尚書事時年

八十而遇事克決繼母在堂朝夕瞻省傷無几杖言不稱老練達事體明解朝章雖無蹇直之風屢有補闕之益 後漢書曰張禹遷爲太傅鄧太后以殤帝初育欲令重臣居禁內乃詔禹舍宮中給帷帳牀褥大官朝夕進食五日一歸府每朝見特贊與三公絕席 應劭漢官儀曰和帝冊故太尉鄧彪曰元功之族三讓彌高今以彪爲太傅 晉書曰何曾爲太傅乞遜位詔會朝劔履乘輿上殿如漢相國蕭何田千秋魏太傅鍾繇故事

原

曹植輔臣論曰蓋精微聽察理析毫分規矩可則

阿保不傾羣言系于口而研撫是非典誥總于心而惟
所用之者鍾太傅也 沈約宋書曰晉宣帝爲魏太傅
誅曹爽後置左右長史掾屬舍人各十人事旣非常加
又領非準例也 **增**後魏書曰淮陽王欣大統中爲太

傅文帝謂欣曰王三爲太傅再爲太師自古人臣未聞
此例欣遜謝而已 北齊書曰高歸彥作亂冀州詔段

歡與東安王婁叡率衆討平之遷太傅賜女樂十人并
歸彥果園一千畝 後周書曰王盟爲太傅盟姿度弘
雅仁而汎愛雖位居師傅未嘗以勢位驕人魏文帝甚
尊重之 語林曰太傅府有三才裴邈清才潘陽中大

才劉慶孫長才 宋東都事略張士遜上章請老就拜
太傅進封鄧國公致仕宰相謝事自士遜始也就第十
年而薨年八十士遜歸老范仲淹適守鄧州士遜還鄉
仲淹置酒月會明日士遜覆置會揮金甚盛時人榮之
係年錄云紹興十一年韓世忠以太傅奉朝請秦檜
主和議世忠乃力求閒退自此杜門謝客絕口不言兵
時騎驢攜酒從一二童奴游西湖以自樂平時將佐亦
罕得見其面云

太傅三

原元老

中庸

東觀漢記詔云行太尉事趙憲三葉在
位爲國元老其以憲爲太傅後漢胡

設官部

開元通志卷六十二

太傅

九

廣傳萬事不理問伯始天下中庸有胡公

周畢

禹彪

史記周成王即位

傳後漢書鄧禹

橫劍

懸樂

後漢書趙熹為太傅

別憲乃橫劍正色以

賜杖

奪服

卓茂以德行見求

時年七十餘拜太傅賜几杖

口口以母

相天子

錄尚書

尚書曰立太師太傅太保孔安國

三讓高

萬事理

應劭漢官儀云和帝冊曰故太尉鄧彪元功之

己以聽

明朝章

戒戎事

下詳太傅二

三葉

在位

百官總已

下詳元老注

增 大拜

進封

職官

成帝臨軒遣使拜太尉儀注蔡謨議曰凡敬其事則備

其禮今大拜輔相宜有金石之樂從之又曰紹興十

國公又十一月太保樞密使韓世忠除大傅進封廣

名冠

天下志清本朝並詳太傅二

太傅四

原服進賢冠 佩山元玉晉百官表注云五時朝服進賢冠佩山元玉官品次第一

也 太傅之任大戴禮云天子無恩于父母無禮于大

不敬于祭不厚于德不強于行賜與侈于近臣憐愛口

于疏遠卑賤不能懲忿窒慾不從太師之言凡是之屬

任也 元功之首應劭漢官儀明帝策書曰高密侯

坐而議政漢書百官公卿表太傅周三公也 在位

罔愆應劭漢官儀殤帝策曰張禹三世在位 位在三

公上後漢光武徵故高密令卓 與三公絕席續漢書

伯達拜太傅錄尚書事劉蒼以殤帝初育欲令重臣居

禁中乃詔禹舍宮內給帷帳牀褥大官朝夕進食五日

設官部

卷六十一

太傅

一歸府每朝見特贊與三公絕席

子康執節淳固

子康卓茂字也詳太傅二

伯

始明解朝章

伯始胡廣字也詳初學記

增崇帝傅

歐公李昭亮制增其帝傅之崇

奉朝請

會要紹興二十一年除太傅仍奉朝請

朝之雋老

本紀晉鄭冲抗表致

仕詔曰太傅韜德深粹履行高潔可謂朝之雋老屢以年高告退今聽其所執以壽光公就第並同保傅凡杖

朝不行常單馬

分紀達奚武拜太傅賤時好華飾及居重位不理威儀行常單馬門不施戟常

畫掩一扇或謂武曰公位冠羣后功名蓋代出入儀衛不稱具瞻何輕率若是武曰天下未平國恩未報安適

事威儀乎言者慙而退

東山之志

謝太傅東山之志始末不渝

元功之族

詳前三讓高注

太傅五

原箴晉齊王攸太傅箴曰伊昔上皇建國立君仰觀天

文俯察地理創業恢道以惠于民承祀祚延統重故援
立太子尊以弘道固以貳己儲德既立邦有所恃固親
以道勿固以恩修身以敬勿託以尊自損者有餘自益
者彌昏 又王保庶太傅箴曰保傅賢明宗國用寧輔
佐不忠禍及于躬無曰父子無間乃有潘崇無曰父子
無二或容江充志不可解恩不常恃一藥不嘗罪歸許
止一時不侍惡延宗子

原碑後漢蔡邕太傅胡廣碑銘曰用能七登九命篤受
分祉亮皇聖於六世嘉庶績於九有窮生民之光寵享
黃耆之遐紀蹈明哲以保身與福祿於終始五蹈九列

七統三事和神人於宗伯治水於下台光弼六世曆
載三十自漢興以來鼎臣元輔未有若公者焉覩臯陶
之闡壺究孔氏之房奧通水源於潤下繁后土於稼穡
訓五品於羣黎理人倫於區域曜三辰於混元協太和
乎皇極傳聖德於幼沖率旦奭之舊職 晉孫綽太傅

褚裒碑曰公資清剛之正氣挺純粹之茂質深量體於
自然沖識足乎弱冠含章內映而不運皦察之明元識
沈通而不以浮藻曜物穆然忘容塵務不干其度默爾
獨得膚見莫測其奧加以溫恭孝友少思寡慾都督兗
州刺史將以藩屏畿甸綏撫宇內會康皇晏駕太后臨

朝總己之重民無異望乃徵將軍中書令錄尚書事公
要終之識定於介石雖事已未來而情以本應顧以主
少國危方難未夷思清函夏以一天宇且帝命所存以
社稷爲寄謀身雖重方此爲輕深爲意疾俛首撫順公
志在芟夷兇類拯拔晉民繕甲練卒日不暇給者久矣
遂見機而作遺其劔履將龍馬河洛電埽司豫廟算以
逆徒尚繁困獸難逼命公還旆以俟齊舉雖元勛未捷
義聲亦足以振暴於華夷矣銘曰邈邈遠遊疊疊令圖
將激淮海灑滌中區雅業未究哲人其徂敢勒元石敬
刊高謨

晉孫楚故太傅羊祐碑曰稟二儀之純靈膺

造化之冲氣文爲詞宗行作世表遷黃門侍郎受祕書
監公算滅吳之略以爲孟獻營虎牢而鄭人懼晏弱城
東陽而萊子服乃進據險處開建五城收膏腴之地奪
敵人之資於是江浦馳義襁負而至雖研精軍政用思
滅敵然兼立學校闡揚典訓是以搢紳之士鱗集仰化
雲翔衡門雖泮宮之詠魯侯菁莪之美育才無以過也
銘曰金德發曜惟公作輔肇造嘉謨建我民主不憚遺
公俾屏聖皇哲人其祖孰不增傷周王褒太傅燕文
公于謹碑銘曰古者六等官人師傅崇其匡輔一命作
牧侯伯總其專征南仲成薄伐之功吉甫作來歸之頌

若乃仰叶宸曜上屬台階錫之以彝器明之以車服隆
名盛業太傅燕國公其有焉西葉開其命緒東海傳其
世祿父曾致平法之科廷尉稱無冤之頌駟馬方駕高
門繼軌公稟山岳之上靈含風雲之秀氣雕良玉於廉
歲鍊貞金於滢滢於時王業締構國步權輿太祖地雖
二分功猶再駕忠誠簡帝有志興王公運策帷帳參謀
幕府封齊定文成之計間楚資曲逆之奇仲華訪輿地
之圖林叔參兵車之右魏恭帝元年爲大司寇正刑糾
慝國無害馬之倫翦暴詰奸民亡飲羊之俗三刺薦無
簡之文兩造陳禁邪之憲大周受命寶曆攸歸表高惠

之功臣紀河山之著命封燕公邑萬戶姬氏建國君
始封昭王禮賢郭隗開館又授太傅本官如先保定五
年賜金石樂一部公世爲邊將少習兵書當敵制機臨
戎應變增壘減竈之圖題樹繫桑之略軍中罷戰無廢
雅歌壯士志驕時觀投石及乎名高衛霍爵重韓彭錫
邑增於鄭僑賜樂同於魏絳丹節比司隸之貴緹騎埒
金吾之寵座闕倡歌之娛堂無鐘鼓之奏辭功坐樹不
伐征西之勲還第角巾無競龍驤之賞銘曰惟岳降神
應期命世量包川藪道弘兼濟昴宿協符佐旌冥契匪
躬諒直武節橫厲函穀重險鐘鼎淪覆潛龍勿用瞻烏

在屋道贊上台功匡下瀆條教斯理彝倫載睦懋官惟
德明試以功旣移上將實董元戎傳呼甚寵徽章載隆
居高能降處貴思沖寶命維新王猷允塞爵班異姓禮
均同德林胡以南易州之北帝曰爾諧俾侯燕國駸駸
過隙滔滔逝川明哲詎寶館舍長捐立言不沒遺愛在
旃三河斥土駟馬開泉丹旒毀宗元堂啓殯寵贈虛加
鸞和空引晏子悼齊隋武懷晉謂天蓋高如何不憇

增權德輿爲太子太傅貞獻趙憬神道碑曰公保抱之
歲生知色養羈冠之年則無幼志及夫被儒服踐法言
敬直而文肅莊而溫端誠博物錯綜古今非大中至正

不接于心術貞元八年夏四月拜中書侍郎平章事明年五月轉門下侍郎以厚德載物以全才宣化舉直盡忠敷納詳明正王度之本去一朝之便事有統紀心無面從嘉猷匡言鎮定弘大謙厚而不伐持平而居易闢邪塞違貞厲而不校陟恪始終帝載用和至若睦中外之姻而均其祿賜嚴宗廟之祀而不理第室啓手足之日家無餘財奉終即遠待恩禮而後備難矣哉職奉贊書備詳盛烈俾刻金石聞于無窮銘曰晉有成宣代稱忠勲先正常伯匪躬事君纘服于公爲時獻臣德不踰閑心不違仁貞其所履以翼天子大猷是經中立不倚

乃賦明命宜躋遐紀吾道方伸修途遽已緜原蒼蒼宰
樹成行令名章章樂石在傍噫嘻太傅之風永代不忘
原表陳沈炯爲陳太傅讓表曰奏六代之舞不能祚天
具百神之歌無以動聖延首當閭轉增危慄百川沸騰
百室如燬釋位同謀諸侯總至盟書會府餘臣一人若
使幅巾衡巷口絕平吳朝遊赤松暮過濟北出就侯服
入褫龍章則四郊有壘誰守社稷如其雄戟在前強弩
自衛負孺子之圖飾緣鶴之鼎軍威重於護將國禮貴
於塞門則臣道尚卑孰云非逼臣所以出謝公卿入訓
妻子拜長陵之園謁太祖之廟不以九族違恩義不以

百姓負國家所期陛下與北極同壽朝廷與南山同固
增啓宋楊萬里賀史丞相除太傅啓曰師臣冥命帝傅
升班七十從心公亦何心於極品三千同德獨高崇德
之紹勲叶朱衣介幘之祥增黃耳玉鉉之重切以傅者
傅之德義不惟其官惟其人臣哉臣作股肱罕有是父
有是子若西京厚王陵之寵及東都旌卓茂之年雖加
衡紱以鞶纓俱匪箕裘之鼎盛於皇孝廟舊學越王當
淳熙丙午之壽上皇以正月戊子而進亞父今專槐之
正位有喬木之世臣父子一家兩兩齊三台之色君臣
千載重重聚四紀之間賁然綠綈之新復此青氈之舊

某官清和而任直大以方無敵知儒者之真可久見賢人之德上念慈闈之訓日思元老之功無官酬公維師尚父猶堅謙抑力反渙揚始隆絕席之班式舉載輿之典虹明帶玉龜顧印金備袞冕之上儀增衣冠之盛事改容而禮論道以經平淮用八千兵更酬謝傅蒼生之志辭齊封三萬戶會尋留侯黃石之盟某久累播均遐瞻巖石聳聽上卷之一命阻陪潭府之三才斐然成章是以有慶乘雪邊之節傳無因拜壽杖之尊窺天上之階符願長輔化樞之運

太保一

原太保古官殷太甲時伊尹爲太保 周成王時召公

爲太保 **增**周禮曰保氏掌諫王惡諫者以禮義正之

也 大戴禮曰天子處位不端受業不敬言語不序聲

音不中律進退升降不以禮俯仰周旋失節凡此之屬

太保之任也 尚書大傳曰成王在豐欲宅洛邑使召

公先相宅六日乙未王朝步自周則至于豐惟太保先

周公相宅太保召公公先周公視洛邑也 **原**應劭漢

官儀曰太保古官保養也又曰太保謂保安天子于德

義禮記云保也者慎其身以輔翼之而歸諸道也 周禮入則

保有 漢平帝元始元年始用王莽爲之 光武中興省

魏初不置末年始置太保以鄭沖爲之

沖字文和

位在三

司上 晉武初踐阼以王祥爲太保進爵爲公加置七

官之職太保所以訓護人主導以德義者也

汝南王亮爲太宰錄

尚書事與太保備權對掌朝政

又衛瓘爲太

保以公就第置長史司馬從事中郎掾屬也 章綬佩

服冠帻與太傅同

梁後魏北齊後周隋及唐皆有之

天寶以前唯以其官贈寶季謀一人而已

增 宋遼金元明見總序

太保二

原 呂氏春秋曰荆文王得茹黃之狗宛路之贈以田於

雲夢三月不返得丹陽之姬暮年不聽朝保申曰先王以臣爲保今王暮年不聽朝王罪當笞王伏臣將笞王

王曰敬諾保申束細箭五十跪而加之於背如此者再
謂王曰起矣王曰有笞之名一也遂致之保申曰君子
恥之小人痛之恥之不變痛之何益保申趨出請死罪
文王曰此不穀之過也保申何罪王乃殺茹黃之狗折
宛路之矰放丹陽之姬兼國三十保申之力也 王隱

晉書曰王祥字休徵琅邪人泰始元年拜太保三年春
御史中丞侯史光上言曰祥久以疾病闕廢朝會應免
官詔曰太保耆艾元老高行清粹朕所毗倚以隆道弘
治者也前後遜讓不從所執此非有司所得議也

晉起居注曰太保衛瓘明允篤誠有匪躬之志其給兵

騎千百人

原沈約宋書曰太師太傅太保爲三公訓

護天子導以德義天子加拜待以不臣之禮非人則闕矣漢制保傅在三公上號曰上公自後常然

增崔鴻

十六國春秋蜀李雄錄曰雄異母兄始字伯敬爲太保善撫士衆衆多歸之時人爲之語曰欲養老屬太保

五代史曰趙光逢以司徒致仕大成中即其家拜太保封齊國公 宋會要曰天禧元年二月司徒平章事王

旦加太保

熙寧元年潞國公文彥博以太保兼侍中

再任彥博辭太保止受所加封再任從之

紹興十年

少保萬壽觀使兼三鎮節度使劉光世除太保

紹興

十年少師充京東淮東宣撫處置使韓世忠除太保

太保三

原贈刀 賜絹 上見三公注 晉錄咸寧二年制故太保王祥司空王基各賜絹五百匹

上公 元老 詳太保一 安天子 諫王惡 詳太保一 任伊尹

職召公 詳太保一 明允篤誠 高行清粹 詳太保二 **增**訓

護 保衡 太保所以訓護人主導以德義者也 書君奭在大甲時則有若保衡 訓王

撫士 旅葵西旅底貢厥葵太保乃作 旅葵用訓于王 下詳太保二

太保四

原金印紫綬 漢書百官表云太保孝平皇帝元始元年初置金印紫綬 周成王時

召公為之 漢平帝王舜為之 東觀漢紀元始元年拜王舜為太保 當

垂拱之代 居論道之司 周寵元勳任先召爽 晉

推碩德選在王祥

增保安德義

孔注尚書太保保天子於德義

隆道弘治

詳前太師二

尚德依仁

分紀晉帝詔曰太保何曾尚德依仁明允篤誠

翼贊先皇光濟帝業

同日降制

天禧元年司徒平章事王旦彭王元儼同日降制加太保三公

并除雙員

太保五

增碑周王褒太保吳武公尉遲綱碑銘曰昔者王室藩

屏周德謂之宗親列國諸侯異姓稱為伯舅元勳懿德
姬崇齊魯之封疏爵疇庸漢重韓吳之秩司勳載其弘
烈典冊備其徽章山甫式列辟之功紀績廟器莊叔匡

成獻之難昭德彝鼎鴻名盛業公實兼焉公命世挺生
應期間出嵩華峻極降惟岳之上靈霜露所均體中和
之秀氣危松擢本且觀後凋之質貞桂挺生便體冬華
之秀是故以辰昴膺慶風雲元感者焉公柔順內凝英
華外發斧藻仁義珪璋令範危勁之節冠四序而踰秀
堅貞之操經百鍊而不銷加以逢門射法遠中戟支養
由箭神遙穿懸葉巧極將軍之伎精窮校尉之官及年
踰艾服任隆台袞甲第當衢傳呼啓路不以寵貴驕人
每以卑恭自牧易箒之言無忘寢瘝城郢之志終於瞑
目銘曰珠角應期山庭表德出忠入孝自家刑國人物

冠冕彝章表則任屬屯警官聯極侍行部六條議班三
吏逝水詎停光陰不借遽辭逆旅俄悲怛化旌舒夏練
棺陳衛幕北郭人稀西山景落三千不見九原誰作銘
茲鼎彝永傳嵩霍 庾信太保鴈門公紇干弘碑曰公
本姓田氏虞賓在位基于揖讓之風鳳皇于飛紹於親
賢之國論其繼世之功則狄城有廟序其移家之始則
長陵有碑況復高廟上書小車而對漢祖聊城祭烏長
兵而驅燕將公以胎教之月歲德在宮誕載之辰星精
出昴旣而受書黃石意在王者之師揮劔白猿心存霸
國之用常願執金鼓而問吳王橫瑯戈而反齊地有志

不就忠貞死焉銘曰移苗返葬提樞山行靈墟隴水哀
輓長城山如北望樹似東平松門石起碑字金生眇眇
山河熒熒肩子泣血徒步奔波千里孝水先枯悲雲即
起世數存歿哀榮終始

三少總載一

增通典續會要曰周以少師少傅少保爲三孤貳公弘
化寅亮天地弼予一人通典曰孤特也言卑於公尊於
卿特置此三人秦漢而下省後周置三孤以貳公宋初
沿唐制置三師以太尉司徒司空爲三公元豐肇新官
制於三師三公無所改政和二年詔司徒司空周六卿

之官非三公之任乃今之六曹尚書是也太尉秦官居
主兵之任亦非三公太尉司徒司空並罷依周制立三
孤之官乃次輔之任或稱三少爲次相之任 大戴禮
曰天子宴瞻其學左右之習反其師荅遠方諸侯不知
文雅之辭應羣臣左右不知己諾之正簡聞小誦不傳
不習凡此其屬少師之任也 又曰天子居處出入不
以禮冠帶衣服不以制御器在側不以度縱上下雜采
不以章忿怒說喜不以義賦與集讓不以節凡此其屬
少傅之任也 又曰天子宴私安而易樂而湛飲酒而
醉食肉而餒飽而強飢而憊暑而渴寒而嗽寢而莫宥

坐而莫待行而莫先莫後天子自爲開門戶取玩好自執器皿亟顧環面御器之不舉不藏凡此其屬少保之任也案注餒過其性也慄貪殘也

三少總載二

增

史記宋世家問於太師少師注曰少師孤卿比干也

前漢百官公卿表太師太傅太保爲三公又立三少

爲之副少師少傅少保是爲六卿 政和間除童貫制

極貳公之位敘 宋會要云紹興九年節度使韓世忠

除少師十年少傅節度使張俊除少師二十八年少傅

節度使楊存忠除少師孝宗即位九日少傅四川宣撫

使吳璘除少師 紹興六年少保節度使張俊除少傅

七年少保節度使楊存忠除少傅 紹興元年少保左

僕射呂頤浩罷少保除特進先是頤浩言少保之官自

陛下臨御未嘗輕授望追寢成命除一階官故有是詔

至七年三月自鎮南軍節度使開封府儀同三司充浙

西安撫制置大使兼知臨安府始除少保

三少總載三

著 爵弁

皮帛

春官司服孤之服自希冕而下注曰大夫爵弁自祭家廟惟孤耳 大宗伯以

禽作六摯以等諸臣孤執皮帛注云皮帛者束帛而表以皮為之飾皮虎豹皮帛如今碧色縉也天子之孤飾

摯以虎皮公之孤飾摯以豹皮

孤卿

次傅

前漢百官表云少師少傅少保為孤卿 宋政

設官部

端監頤函卷六十一

三少總載

三

和間除錢景臻制云元
衮赤舄進次傳之崇名
亞師次相初寮除楊戩制

列李邦彥除蓋從熙制云
亞傳亞保初寮除余深

視秩亞師下詳三少二
化越陞亞傅之班又除余深
制云峻陞亞保位孤棘于外朝
貳三公弼一人見

前

三少總裁四

增特捐禮夏官司士正朝特授宋會要云隆興二年

射兼樞密使張浚可罷右僕射特授少師保
信軍節度使判福州以浚自劾去故也
奏事特

授宋會要云紹興三十二年孝宗即位張浚特授少傅
進封魏國公浚以樞密使都督江淮軍馬入朝奏事

繼有特授進封宋會要云隆興元年十二月左僕射

封福國公判信州又乾道八年九月左丞相華國公虞
允文特授少保武安軍節度使充四川宣撫使進封雍

國公以求
去故也

貳公

次相

左棘

列棘

棘位一篆

車

辭榮上宰

進位貳公

誕布制麻

晉班孤棘

極貳公之高位

進次傅之崇班

三少總裁五

增

碑唐蘇頌右僕射太子少師唐璿神道碑曰於戲惟

公浚明前典允迪古訓總而成之入則獻規出不言政

石建孔光之比浚勝千里通知四夷子房充國之亞爲

將軍尊重于位而謝賓客公之不敢專爲丞相開陳其

端以歸人主公之不敢伐如是則鏤彝器圖旂常載史

官列盟府矣夫翠鵠犀象非不鷲也有其用則不全麟

鳳龜龍非不靈也無其時則不至若乃時已僭用不竭
身已康名不滅者旣明而且哲也公上惟祖禰傍至功
總頃於槐里之間謹原之右卜其兆圖其域各以族而
爲之度焉昔禽息進里奚於秦而繆公之政厚虞丘進
叔敖於楚而莊王之力霸故有世祝而代祿焉則我師
臣計功着子私風小彼秦楚之事大哉韋平之烈謀可
久者敢作銘曰稽古陶唐惟帝之初遷虞事夏俾侯而
起居盤峻峙令德之祉亦曰緜系誕生君子君子伊何
邦之宰臣宰臣伊何秉我洪鈞登于廟堂王躬是保服
于戎狄公嘗致討事惟一心恭乃三命從讓頤老歸閑

體正天也不愁人之云亡大夫掌城郡公會喪咸陽北坂渭水南渡其如邢山永此防墓

增啓宋鄭雪巖賀鄭少師啓曰恭審涓吉宣麻敷恩升棘貳公弘化一通橫寶帶之輝崇德報功六纛昇錦鄉之節勸經瓊上授室國中異數便蕃羣瞻聳動若稽昭代率重元勲潞公以維垣而陪講筵忠獻以本鎮而膺受鉞或爲內相而侈帶圍之詠或由舊學而賜京第之居是皆昭一時非常之恩未有備今日極盛之典恭惟某官沈潛而有略真實而無華不知三公之爲尊依然寒素如見一介之有技納之陂汪憂國形癯愛君心赤

方更張于新化爰圖任于舊人非道不陳王前與與如也斯謀惟我后德贊贊襄哉業之隆者酬必隆眷之厚者施亦厚此禮非諸臣之敢望惟上知我公之獨深非但勸當世之至忠又將貽後王之丕則賡歌相戒元首明哉股肱良哉難老爲期受命長矣第祿康矣某自遊環僻久囿大鈞聞盛事之魏煌倍輿情而欣忭乘當時之驛傳適綴稱觴望武公之威儀就加舉笏永言頌詠罔旣編摩 李梅亭賀史丞相除少傅啓曰雄麻渙命孤棘升班相堯之功已書二十八載之半弘周之化始介三公九卿之間取之甚嚴簡在則厚恭惟某官直方

而大智勇且仁海晏河清藉整頓乾坤之手天明地察
鑒經綸社稷之心奏琴瑟改絃之功贊七鬯主噐之治
進律固加於有德酬功真恨於無官矧如拔去凶邪收
洪範福威之柄且復芟夷煩亂整素王筆削之功是皆
非常之元宜受不次之賞猶且固辭於專面姑令明陟
於貳公惟時亞保之休蓋古司空之選若稽漢制專司
萬乘之宴私其在周官實任兩儀之寅亮聊丕昭於蕃
錫豈盡荅於元勳昔魏王再相於淳熙首升此職故高
宗獨稱於德壽謂無幾人爰正師垣宏開壽域尚式周
公之猷訓惟其有之是以似之以觀文王之耿光心乎

愛矣遐不謂矣某欣逢盛典倍激歡悰歌芑士之詩敢
忘燕雀之賀厦作得賢之頌或憐蟋蟀之吟秋 陳箕
窗賀錢少保啓曰顯詔元臣榮躋亞保傳家而爲碩輔
信槐棘之罕聞去國而有殊褒又枌榆之創見尊榮廟
社開闢江山切以知進知退者所以爲名節之全善始
善終者所以爲寵靈之備歷覩往事多媿此言或朶頤
鐘鼎而不爲閒適之人或掉臂山林而無復便蕃之渥
臣旣懷利君亦少恩但思締合於一時遑恤譏評於千
載必聖賢之胥遇能道德以相求可去則去旣不較於
升沈當褒而褒亦豈問其出處爰有方來之綸綍及乎

告老之軒裳自古無多如今寡二某官唐元凱之器度
漢韋平之勲庸早陟黃扉誠欲扶於民命晚投綠野正
不係於身謀蓋陽和已播則有收斂之時而雷雨旣行
則有蟄藏之日天運猶爾公心可知方將蟬蛻黜塵鴻
冥寥邈自適於逍遙之境永遊於安利之淵奈盛名愈
抑而愈高聖主彌疎而彌睠惟朝綱肅靜則思更化之
人惟邊報安寧則念和戎之客雖其旣去尚擬重來亦
何愛於褒恩不少伸于別緒願以九重之此意與夫六
合之具瞻儲養神明調娛氣序使日月侔其不老而乾
坤與之俱閑或再位於元台抑亦公之餘事某曩懷附

鳳比復登龍忽傳異詔之丁寧切倍常情之呼舞但忻
寰海見明良天合之情肯爲鄉閭草世俗雷同之賀

淵鑑類函卷六十三